

Ro Mataana Kana Ta Paulus Ibeede Pizin Korin

¹⁻² Nio Paulus. Anutu itunu leleene mi iboobo yo, mi iur yo ma aŋwe ŋgoŋana ki Yesu Kriŋi. Ni-amru gaabaŋoŋ Sostenes ambeede ro tiŋgi ima piom wal ki kar Korin ta kombot lela lupŋana ki Anutu na. Niom wal ta kesekap la ki Yesu Kriŋi na, ni ikam yom ma kewe Anutu wal kini potomŋan kek. Mi Anutu iboobo yom be kewe ni lene kat mibe kakam mbulu potomŋana. Mi niom men som. Niomŋan karkari boozomen ta tizuŋzuŋ pa Merere kiti Yesu Kriŋi na. Pa Yesu Kriŋi, ni Biibi kizin, mi Biibi kiti tomini.✧

³ Tamanda Anutu mi Merere Yesu Kriŋi ko tikampe yom, mi timboro yom ma kombot ambai. Nonoono.

Paulus leleene ambai pa kampeŋana biibi ta ise kizin Korin

⁴ Gorgori na, nio leleŋ ambai pa Anutu mi aŋpakurkuri piom. Pa Yesu Kriŋi iwe zaala piom ma kampeŋana biibi ki Anutu ise tiom.

⁵ Niom kesekap la ki Kriŋi, tanata Anutu ikam yom ma karao kat pa koron matakiŋa. Ngar ma sua ma.✧

⁶ Mi ina iswe kembei: Uruunu ambaiŋana ki Kriŋi ta muŋgu amsoyaara piom, ina kakam ma imbol piom kek.

⁷ Tana iŋgi kombotmbot mi kazza Anutu be iswe Merere kiti Yesu Kriŋi ma ipet mat, mi ni

✧ **1:1-2:** 1Kor 6:11; 2Tim 1:9 ✧ **1:5:** 1Kor 12:7+; 2Kor 8:7

ipombolmbol yom be kakam uraata matakiŋa boozomen ta ki Bubuŋana i.✠

8-9 Mi Anutu itunu ko ipombolmbol yom ma kemender mbolŋana ma irao toono swoono. Naso nol ki Merere kiti Yesu Krisi iso ipet, tona leyom uunu sa isaana som. Pa Anutu ta iŋoobo yom ma niomŋan Lutuunu Yesu Krisi kaparlup yom na, ni itoto sua kini. Tana iti irao tapase pini.✠

Zin Korin tiparyapaala zin

10-11 O niom tonmatiziŋ tio, nio aŋsombe aŋpombol yom pa Merere kiti Yesu Krisi zaana ta kembei: Kulup leleyom mi ŋgar tiom ma iwe tamen kat, mi koso sua raraate men. Kokena kaparyapaala yom. Pa Kloe wal kini pakan timar mi tisotaara yo piom ta kembei: Nŋŋi boozo imbot la mazwoyom.✠

12 Ingi aŋso pa mbulu tiom tau kaparyapaala yom ma kozzo ta kembei: “Niam ti amtoto ŋgar ki Paulus,” som “Niam amtoto ŋgar ki Apolos,” som “Niam amtoto ŋgar ki Petrus,” som “Niam ti amtoto Krisi.” Mbulu ta kembei irao yom makin.✠

13 Lak, aŋso aŋwi yom. Krisi, tisupaali ma iwe pakan pakan? Som Paulus ikam muriyom, mi tipuni ma imeete sala ke pambaaraŋana piom? Som niom kakam yok pa Paulus zaana?

14 Nio leleŋ ambai pa Anutu paso, aŋkam yok piom som. Malanto aŋkam pa Krispus mi Gaius men.✠

✠ **1:7:** Pil 3:20; 1Tes 1:10; Tit 2:13 ✠ **1:8-9:** Pil 1:6; Kol 1:22; 1Tes 3:13, 5:23+; 1Pe 5:10; 1Kor 10:13; 1Yo 1:3 ✠ **1:10-11:** Ro 12:16; 2Kor 13:11; Pil 2:2, 3:16; 1Pe 3:8 ✠ **1:12:** Yo 1:42; Nŋgo 18:24+; 1Kor 3:4 ✠ **1:14:** Nŋgo 18:8; Ro 16:23

15 Tana tomtom sa irao imender mi iso: “Nio ti anƙam yok pa Paulus zaana,” na som.

16 O ŋonoono, nio anƙam yok pa Setepan mi wal kini tommini. Mi zin pakan na, motonj ingal mini som. Anƙam yok pizin, o som.✧

17 Pa Krisi, ni ingo yo ma anla be anƙam yok pizin tomtom som. Ni ingo yo be ansoyaara urunu ambainana. Mi ni leleene be anƙam sua mbuyeenejana kembei ta zin ngarjan ki toono i tikamam na pepe. Pa sua ta kembena ko ikoto ke pambaaranana ki Krisi ma iwe kembei koronj sorok.✧

Meetenana ki Krisi iswe kat Anutu mburaana mi ngar kini

18 Sua ta iso pa meetenana ki Krisi sala ke pambaaranana na, zin wal tabe tila len i tire kembei sua kankaaranana. Tamen iti ta Anutu ikamam uraata piti be ikamke iti na, tikilaala ta kembei: Meetenana kini ta iswe kat Anutu mburaana.✧

19 Ka sua imbot pataana kek ta kembei:
Wal ngarjan na, Anutu ko itatke ngar kizin, mi ipasaana ma iwe koronj sorok.
Zin wal ta len ngar biibi na, ni ko ikam ma ngar kizin iur ŋonoono som.✧

20 Tana wal ngarjan, mi zin ta len ngar biibi pa tutu na, mi zin wal ta tizorzooro pa sua ma ngar pa mazwaana taingi na, ko toso parei pizin? Pa ngar

✧ **1:16:** 1Kor 16:15 ✧ **1:17:** 1Kor 2:1+; Ga 1:15+; 2Pe 1:16

✧ **1:18:** Ngo 17:18; Ro 1:16; 1Kor 2:14; 2Kor 4:3 ✧ **1:19:** Yesa 29:14

ta tomtom toono kan tipakurkur na, Anutu iso iti pa ta kembei: Ina ngar kankaanaɲana kat.✧

21 Anutu ngar kini biibi. Ni iute: Iti tomtom toono kanda na, ngar kiti irao ikam ti ma tuute i na som. Tanata ni iur zaala toro pizin wal urlaɲan be ikamke zin pa i. Mi sua ki Anutu ta amzzo-yaryaara i, ta iso yom pa zaala tana. Zaala tana, wal toono kan tire kembei mbulu kankaanaɲana.✧

22 Pa zin Yuda tiso tire mos bibip to tiurla. Mi zin Grik na, tikam kinkiini be tikam ngar biibi.✧

23 Tamen niam na, amzzoyaryaara sua pa meeteɲana ki Krisi sala ke pambaaraɲana. Sua tana, sombe zin Yuda tileɲ, na tiurla som, mi lelen pa som kat. Mi so zin wal ta Yuda somɲan i tileɲ, na tire kembei ngar kankaanaɲana.✧

24 Tamen iti ta Anutu iboobo iti ma tewe lene na, iti Yuda, mi zin wal pakan tomini, iti tuute: Krisi ta iswe kat Anutu mburaana mi ngar kini biibi.✧

25 Pa ngar ki Anutu ta tomtom tire kembei ngar kankaanaɲana, ina ilip pa ngar kizin tomtom. Mi mbulu ki Anutu ta tomtom tire kembei mburaana som, ina ilip pa tomtom mburan.✧

26 O niom toɲmatizij tio, kakam ngar pa ituyom. Niom wal ta Anutu iboobo yom ma kewe lene na, niom pareiɲoyom? Wal toono kan tire yom boozo kembei leyom ngar biibi? Som. Mi niom boozo mburoyom biibi som, mi zoyom biibi som.✧

27 Pa zin wal ta tomtom toono kan tire zin kembei wal kankaanaɲan, ta Anutu ipeikat zin ma tiwe

✧ **1:20:** Yesa 19:12; Lu 10:21; Ro 1:22,28; 1Kor 3:18 ✧ **1:21:** Mt 11:25+ ✧ **1:22:** Mk 8:11; Yo 4:48; Nɲgo 17:18,32 ✧ **1:23:** Yo 6:60+; Nɲgo 22:22; Ro 9:32; 1Kor 2:14 ✧ **1:24:** Ro 1:16; Kol 2:3 ✧ **1:25:** 2Kor 13:4 ✧ **1:26:** Lu 16:15; Yo 7:48; Yems 2:1+

lene, bekena ipamianj zin wal ngarjan ki toono. Mi zin wal ta tomtom toono kan tire zin kembei mburan bibip som, ta Anutu ipeikat zin ma tiwe lene, bekena ipamianj zin wal tau mburan bibip i.✧

²⁸⁻²⁹ Mi zin wal ta tomtom toono kan tirepilpiili zin ma tiso zin sorrokjan, ta Anutu ipeikat zin ma tiwe lene. Naso iswe zin wal zanjan ki toono kembei zan tina koronj sorok, mi tomtom sa irao ipakur itunu ila Anutu kereene uunu som.✧

³⁰ Anutu itunu, ta ikam yom ma kesekap la ki Yesu Krisi. Mi Yesu Krisi, ta iswe ngar biibi ki Anutu piti, mi ikam ti ma tewe ndeenjanda pa Anutu mataana, mi ipeyei mbulu potomjana piti, mi ikamke iti.✧

³¹ Tana toto sua ta tibeede se ro pataanja kek.

Tapakur koronj toro sa pepe. Tapakur Merere itutamen.✧

2

¹ Niom tonmatizinj tio, motoyom ingal. Indeenje ta nio anma mi ansoyaara sua ki Anutu piom na, ankam sua mbuyeenjana kembei ta wal kwon suanja tikamam na som. Mi anzzo pa ngar bibip ta ki toono i na som. Anzzo katkat sua pa Anutu ngar kini biibi ta mungu ike mi inji ipet mat kek.✧

² Paso, indeenje ta anma ma anbotmbot la mazwoyom na, ngar tio imbol be anzzo men pa Yesu Krisi, mi meetejana kini sala ke pambaaranjana.✧

✧ **1:27:** Mt 11:25; Yems 2:5 ✧ **1:28-29:** Ro 3:27; Ep 2:9 ✧ **1:30:** Yo 17:19; Ro 4:25; 2Kor 5:21 ✧ **1:31:** Yer 9:23+; 2Kor 10:17
 ✧ **2:1:** 1Kor 1:17 ✧ **2:2:** Ga 6:14; Pil 3:8

³ Mazwaana tana, motoŋana biibi ikam yo ma mburoŋ imap, mi anyamaana ituŋ kembei aŋrao som kat.✠

⁴ Tana indeeŋe ta aŋsoyaara uruunu ambaiŋana piom na, aŋzzo sua mbuyeeneŋana kembei ta zin ŋgarŋan ki toono tikamam bekena tiyaryaaru zin tomtom na som. Mi Anutu Bubunana ta ikamam uraata mburaanaŋana piom, mi ipombolmbol sua tio.✠

⁵ Tana urlaŋana tiom imendernder se tomtom ŋgar kizin som. Imendernder se Anutu itunu mburaana.✠

Bela Anutu Bubunana ikam peeze piti, to takam kat ŋgar

⁶⁻⁷ Mi zin wal ta tikam ŋgar ki Anutu ma imbol pizin na, amzzo zin pa ŋgar kini biibi ta muŋgu ike mi iŋgi ipet mat kek. Ŋgar tana, indeeŋe toono ipet zen na, Anutu leleene iur pa, bekena ikam ti ma tombot raami lela azuŋka kini leleene. Mi ŋgar tana ipa ndel kat pa ŋgar ta tomtom tipakurkur pa mazwaana taiŋgi, mi ŋgar kizin bibip ki toono tabe tila len i.✠

⁸ Zin bibip tana, kizin tasa ikilaala Anutu ŋgar kini som. Mi be tikilaala, so tipun Merere kiti ta azuŋka katuunu i sala ke pambaaraŋana som.✠

⁹ Ŋgar ta amzzo pa i na, tibeede ka sua muŋgu kek ta kembei:

✠ **2:3:** Nŋo 18:9; 2Kor 10:1,10, 11:30 ✠ **2:4:** 2Pe 1:16 ✠ **2:5:** 1Kor 4:20; 2Kor 4:7, 6:7; 1Tes 1:5 ✠ **2:6-7:** Ro 16:25+; 1Kor 1:28; Ep 3:5,9; Kol 1:26; Pil 3:15; Ibr 5:14 ✠ **2:8:** Lu 23:34; Yo 16:3; Nŋo 13:27; 2Kor 3:14

Koron ta Anutu iparanraŋ pizin wal tau tiur lelen pini na, munŋu tomtom tire som, tilenŋ som, mi tikam ŋgar pa som.✠

¹⁰ Mi niam na, Anutu ikam Bubunana piam, mi Bubunana tana iswe koron tana piam kek. Pa Bubunana, ni irre koron ta boozomen. Anutu ŋgar kini turkenana kat tomuni, Bubunana iute.✠

¹¹ Kere. Asin iute tomtom toro leleene ma imap? Som. Ni itutamen ta iute kat leleene. Mi ina raraate pa Anutu. Bubunana men, ta iute Anutu leleene ma imap.✠

¹² Niam taiŋgi amkam ŋgar ki toono som. Amkam ŋgar ki Bubunana ta imar pa Anutu na. Mi Bubunana tana, ta ipaute yam pa koron ambaimbaiŋan ta Anutu ipomoozo iti pa kek na.✠

¹³ Mi inŋgi amzzo pa koron ta tana. Tana sua ta amzzo i, imar pa tomtom ŋgar kizin som. Ina, Bubunana Potomjana ta ipaute yam pa. Mi gorgori ta amwesweeze sua ta imar pa Bubunana na, am-toto peeze ki Bubunana. *✠

¹⁴ Tomtom ta sombe ŋgar ki toono ikamam peeze pini na, ni irao be ikam ŋgar pa koron ta ki Anutu Bubunana i na som. Ni ire koron tana kembei koron kankaanaŋana. Pa bela Bubunana ipei ŋgar piti, to takam kat ŋgar pa koron ta ki Bubunana i. Uunu tina ta tomtom toono kan, ŋgar kizin irao

✠ **2:9:** Yesa 64:4; Yer 3:16 ✠ **2:10:** Mt 13:11; Yo 16:13; 1Yo 2:27

✠ **2:11:** Ro 11:33+ ✠ **2:12:** Ro 8:9 * **2:13:** Zaala toro ta tarao be totooro sua suruunu ti na, ta kembei: “Mi zin wal tau tikam ŋgar ta ki Bubunana i na, amwesweeze sua ŋonoono ta imar pa Bubunana na pizin.” ✠ **2:13:** 1Kor 1:17, 2:4; 2Pe 1:16

ipet pa koron ta ki Bubunana i na som.✧

¹⁵ Mi tomtom ta sombe Bubunana ikamam peeze pini, na ni irao be ikilaala koron ta boozomen. Ingoi ta ambainana, mi ingoi ta sanannana. Tomtom ta kembena na, wal ta tikamam ngar ki toono na, irao tiyo kwon pini na som.✧

¹⁶ Pa zin wal ta tikamam ngar ki toono na, Kizin asin ta iute kat ngar ki Merere, som irao be ipaute i pa koron pakan? Som.

Mi niam na, ngar ki Kisi ta ikamam peeze piam.✧

3

Mbulu kizin Korin iswe zin kembei lelen mungunana ikamam peeze pizin men

¹ O niom tonmatizin tio, mungu nio irao ankam sua piom kembei ta ankamam pizin wal tau Bubunana ikamam peeze pizin i na som. Pa mazwaana tana, niom kakam kat ngar pa mbulu ki Kisi zen. Ngar tiom kembei ta zin pikin. Pa leleyom mungunana ta ikamam peeze piom.✧

² Tanata nio ankam kini mbolnana piom som. Ankam tui men. Pa mazwaana tana, niom karao pa kini mbolnana zen. Mi koozi na, raraate men. Karao zen.✧

³ Pa leleyom mungunana ta ikamam peeze piom men. Kere mbulu ta kakamam i. Nonji imbotmbot la mazwoyom, kakamam kaisiigi pa ituyom ngar tiom, mi kakamam be kokoto waeyom bizin.

✧ **2:14:** Yo 6:44, 14:17; Ro 8:5+; 1Kor 1:18,23 ✧ **2:15:** 1Tes 5:21; 1Yo 2:20, 5:20 ✧ **2:16:** Ro 11:34 ✧ **3:1:** Ep 4:13+ ✧ **3:2:** Ibr 5:12+; 1Pe 2:2

Mbulu tiom tana iswe yom kembei leleyom munḡuḡana ta ikamam peeze piom men. Niom kapa pai tiom kembei zin wal ta titoto ḡgar ki toono na.✠

⁴ Pa sombe kaparyapaala yom, mi tomtom tiom pakan tiso: “Niam amtoto ḡgar ki Paulus,” mi pakan tiso: “Niam amtoto ḡgar ki Apolos,” na mbulu tiom tana iswe yom kembei kototo ḡgar ki toono men.

Zin wal ta tikamam uraata ki Merere na, zin ta boozomen mbesooḡo kini men

⁵ Apolos, ni asiḡ? Mi Paulus, ni asiḡ? Niamru inḡi mbesooḡo men ta amwe zaala piom ma kurla ki Kriḡi i. Mi Merere, ni iur leyam uraata ndelndelḡa. Uraata tana, ta amkamam i.

⁶ Nio ta aḡpaaza kini. Mi Apolos, ni mataana pa, mi ipun ro pa. Mi Anutu ta ikam ma kini ise.

⁷ Tana tomtom ta iwaswaaza kini na, ni zaana biibi som. Mi tomtom ta mataana pa na, ni tomini zaana biibi som. Anutu itutamen ta zaana biibi. Pa ni ta ikamam ma kini izze.

⁸ Tana tomtom ta iwaswaaza kini, mi ni ta mataana pa na, ziru raraate men. Mi kaimer Anutu ko ikam len kadoono ma ikot uraata kizin kizin.✠

⁹ Tana niamru amgabgaaba Anutu pa uraata kini. Mi lupḡana tiom ta iwe kembei mokleene ki Anutu mi kembei ta ruumu kini.✠

Wal ta so tipombol lupḡana ki Kriḡi pa sua ki Anutu na, zin kembei tipo ruumu pa Anutu

✠ **3:3:** 1Kor 1:10+, 11:18; Ga 5:19+; Yems 3:16 ✠ **3:8:** Ngo 18:1+, 19:1; 1Kor 4:15; 2Kor 3:3+; Ga 6:3; 2Yo 8 ✠ **3:9:** Mt 13:3+; 2Kor 6:1; Ep 2:20+; Ibr 3:3+

10 Nio kembei tomtom ta ni le ngar biibi pa ruumu poŋana. Pa uraata ta muŋgu aŋkam la mazwoyom, ina kembei ta aŋpaaza kitiimbi pa ruumu ki Anutu. Uraata tana, Anutu itunu ta ikampe yo mi ikam lej ngar pa. To tomtom toro imar ito yo, mi iŋgi iseenge uraata pa, mi iwwo ma izalla. Niam wal ta amkamam uraata na, niam tataŋa bela motoyam iŋgal uraata tiam tiam mi ampo kat.✧

11 Mi Yesu Krisi ta iwe kembei kitiimbi pa ruumu ki Anutu be imender se. Koronj toro sa irao na som. Kitiimbi tana, nio aŋpaaza kek.✧

12 Wal uraata kan ta tiwwo ruumu ma izalla na, pakan tiwwo pa koronj ŋonoono kembei ta gol, silba, ma pat ndabokbokŋan. Mi pakan na, tiwwo pa koronj soroksorok kembei ta ke ma rie mi kooto.

13 Talala ma sombe nol biibi ipet raama you, mi Anutu itiiri zin tomtom pa mbulu kizin, tona uraata kizin tomtom ta boozomen kola ipet mat. Pa you * ko itoombo uraata kizin mi iswe zin.✧

14 Tomtom ta so iwwo ruumu ki Anutu pa koronj ŋonoono, na you tana ko irao ikam kosa sa pa uraata kini som, mi ni ko ikam le kadoono ambainana.

15 Mi sombe tomtom sa iwwo pa koronj soroksorok, na you tana ko ikan uraata kini ma imbiriizi ma ila ne lup. Mi rimen ŋonoono mi ni itunu ila ne tomini. Tamen som. Ni ko imbot ambai, kembei tomtom ta you ikanan ruumu kini, mi namaana men, mi iko ma ipet mat.

✧ **3:10:** Ro 15:20; 1Kor 4:15, 15:10; 2Pe 3:15 ✧ **3:11:** 2Kor 11:4;

Ep 2:20; 1Pe 2:4+ * **3:13:** You ti, ina sua tooronjana pa tiirinjana biibi tabe ipet pa mbeŋ kaimer. ✧ **3:13:** 1Kor 4:5

16 Niom kuute som? Lupņana tiom ta iwe kembei Anutu urum kini. Mi Anutu Bubunana imbotmbot la mazwoyom.✧

17 Tana kere. Sombe tomtom sa ipasaana urum kini tana, na ni tomini, Anutu ko ipasaani. Pa urum kini na, koron kini potomņana. Mi lupņana tiom ta iwe kembei urum kini.

Iti tapase pizin tomtom mi nindi ise pizin pepe

18 Kere. Kokena kapakaam ituyom. Sombe tomtom tiom sa ikam ngar pa itunu kembei ni irao kat pa ngar ta tomtom tipakurkur pa mazwaana ta taingi, na bela ipizil ndemeene pa ngar tana, mi ikoto itunu ma iwe kembei tomtom kankaanaņana. Naso ni irao ikam ngar ņonoono ta ki Anutu i.✧

19 Pa ngar ta tomtom toono kan tipakurkur, ina Anutu ire kembei ngar kankaanaņana. Ka sua tibeede pataaņa kek:
Zin ngarņan ki toono na, ngar kizin tana ko iwe kembei ta kilis pizin be Anutu ikeene zin pa.✧

20 Mi sua lwoono toro iso ta kembei:
Merere, ni iute: Wal ngarņan ki toono na, ngar kizin ņono somņana.✧

21 Tana tapase pizin tomtom mi nindi se pizin pepe. Pa koron ta boozomen, ina timbot be iuulu yom.

22 Paulus, Apolos, Petrus, toono ti, mbotņana tiom, meeteņana, koron ta timbot ta buri, mi koron

✧ **3:16:** 1Kor 6:19; 2Kor 6:16; Ep 2:21+; Ibr 3:6; 1Pe 2:5 ✧ **3:18:** Ga 6:3 ✧ **3:19:** Yop 5:13; 1Kor 1:20, 2:6 ✧ **3:20:** Mbo 94:11

tabe tipet pa kaimer i tomini. Koronj ta boozomen tana, ina niom tiom men.

²³ Mi niom ta boozomen ki Krisi. Mi Krisi, ni ki Anutu. ✧

4

Anutu itunu ko itiiri zin mbesoonjo kini

¹ Tana tomtom irao tikam njar piam ta kembei: Niam inji mbesoonjo ki Krisi. Mi Anutu indemeere yam, mi iur sua kini imar nomoyam be amboro. Sua tana, munju ike. Mi inji Anutu iswe ma imbot mat kek. ✧

² Mbesoonjo ta so biibi kini indemeeri mi iur uraata ila namaana, na ni bela mata sinjin pa uraata tana mi ikam kat. To biibi kini leleene ambai pa uraata kini. ✧

³ Mi nio na, sombe niom, som tomtom pakan kere yo kembei nio ambainjon, som sananjon, na anjam njar biibi pa koronj ta kembena som. Mi itunj ta kembena. Irao anso nio ambainjon, som sananjon na som.

⁴ Nonoono, anyamaana itunj kembei anjam noobo mbulu sa som. Tamen irao andemeere sorok mi anso mbulu tio ta boozomen indeenje men pa Anutu mataana na som. Anbot mi anzza Merere itunu be itiiri yo. Tona anute kat. Anjam ambai, som anjam ambai som. ✧

⁵ Tana niom ta kembena. Irao lonja kitiiri zin tomtom mi koso zin sananjan, som ambainjan na pepe. Kombot mi kazza nol ki Merere. Pa ni isombe imiili ma imar, tona iswe koronj ta tike lela

✧ **3:23:** Ro 14:8; 1Kor 11:3; 2Kor 10:7 ✧ **4:1:** 1Kor 3:5; 2Kor 6:4; 1Pe 4:10 ✧ **4:2:** Lu 12:42 ✧ **4:4:** Mbo 143:2; Njo 23:1; Ro 2:13

zugut leleene na, ramaki ngar boozomen ta imbot la tomtom lelen na, ma ipet mat. Tona Anutu ko ipakur ti ikot mbulu kiti kiti. ✧

Mbulu ki ngonjana ngonono ki Krisi

⁶ O niom tonmatizij tio, sua boozomen tana, nio anso se ki itun mi Apolos beken a njuulu ngar tiom. Pa mbulu tiam, ina iwe kin ambainana piom. Kokena niom ta kototo tomtom ta na, kapakur yom mi koso kilip pa waeyom bizin ta titoto tomtom toro. Pa mbulu ta kembei, ina imolo sua ta tibeede pataaŋa kek. ✧

⁷ Lak, nu tina, asiŋ iuru ma lip pa waem bizin pakan? Mi parei, koron ku sa imar pa itum mburom, som ngar ku? Som. Koron ku ta boozomen imar pa kampejana ki Anutu men. Zala toro sa som. Nakena uunu parei ta nim se mi pakur itum? ✧

⁸ Aiss, niom tina na, karao kat pa koron ta boozomen! Pa kozzo ta kembei: Leyom koron boozo ma karao kat. Mi kilip piam ma kewe king kek. * Mi niam, na ra zeen. Kozobe sua tiom tana ngonono, so ndabok! To itinan tewe king mi takamam peeze. Mi som. ✧

⁹ Pa nio anre kembei Anutu iur yam ngonjana ki Krisi ma amkemer kat. Niam kembei wal sananjan ta tiur sua be timeete ila iwal biibi

✧ **4:5:** Ro 2:1,16,29; 1Kor 3:8; 2Kor 5:10; Tur 20:12 ✧ **4:6:** Ro 12:3 ✧ **4:7:** Yo 3:27; Ro 12:6; Yems 1:17; 1Pe 4:10 * **4:8:** Sua ki Merere iso ta kembei: Sombe Mesia imar raama mburaana pa mbeŋ kaimer, tona ziŋan wal kini ko tikam peeze pa koron ta boozomen. Zin Korin tikam ngar njoobo ma tiso mbulu tana ipet pizin kek. ✧ **4:8:** Tur 3:17+

matan bekena zin tire len. Mi zin wal ta tirre yam na, tomtom men som. Zin anjela tomini. ✧

¹⁰ Niam ambesmbeeze pa Krisi, mi tomtom tire yam kembei kankaanajoyam kat. Mi niom na, koso karao kat pa ngar ki Krisi! Niam na, mburoyam biibi som. Mi niom na, mburoyom biibi kat. Niom na, tomtom tipakurkur yom. Mi niam na, tirepilpiili yam. Niom tina karao kat! ✧

¹¹ Ta munju mi imar indeenje koozi na, niam ambotmbot raama petel yam mi miri yam. Mi amzebzeebe yam pa mburu mararaazanan, mi tipunun yam sorok. Mi gorgori amwwa men, tana leyam muriyam sa tabe ambot pa i na som. ✧

¹² Ambelmbel uraata pa nomoyam. Sombe tomtom tipiri sua sananjanana piam, na amsuj Anutu be ikampe zin. Mi sombe tiseeze motoyam pa Krisi zaana, na amender mboljana mi ambaada men. ✧

¹³ Sombe tinjal sua piam, na ampimiili pa sua ambainjana. Tana ta munju mi imar na, niam kembei musmuuzu ki toono. Pa tomtom tirepilpiili yam ma tire yam kembei sorrokjoyam kat.

Paulus leleene be zin Korin tito i pa mbulu kini

¹⁴ Sua tana, nio anbeede piom bekena anpamian yom pa i na som. Nio lelen piom, mi anje yom kembei lutun bizin niom. Tanata inji anpazal yom.

¹⁵ Pa sombe niom leyom tomtom piizi sa ta tipaute yom pa Krisi, na tomoyom boozo som. Tomoyom tamen ta nio i. Pa indeenje ta anjam

✧ **4:9:** Ro 8:36; 1Kor 15:30+; 2Kor 6:9; Ibr 10:33 ✧ **4:10:** Ngo 26:24; 1Kor 2:3; 2Kor 13:9 ✧ **4:11:** Ngo 23:2; Ro 8:35; 2Kor 11:23+ ✧ **4:12:** Mbo 109:28; Mt 5:44; Ngo 18:3+; Ro 12:14

uruunu ambainjana piom, mi kuurla ma kewe Yesu Krisi lene na, anwe kembei tomoyom. ✧

¹⁶ Tana anso anpombol yom be koto mbulu tio. ✧

¹⁷ Uunu tina ta ango Timoti ma ima. Ni na, nio lelen pini ilip, mi an demeere kati. Pa Merere ilup yam ma anre i kembei lutun nonoono. Ni ko ipei ngar tiom pa mbulu tabe wal ki Krisi tito. Mbulu tana, nio itun ankamam, mi anpaute lupjana ki Krisi pa irao lele ta boozomen. ✧

¹⁸ Nio anute: Tomtom tiom pakan tikam ngar kembei nio ko irao anma anre yom mini som. Tanata tipakurkur zitun mi tikamam zorojana biibi.

¹⁹ Tamen sombe Merere leleene pa, inako molo som to anma. Tona anre zin wal ta tipakurkur zitun mi tizorzooro na, mi anute kat zin. Tizzo sua men, som tikam Bubujana mburaana tomimi? ✧

²⁰ Pa wal ta timbot lela peeze ki Anutu na, tizzo sua pa kwon men som. Tizzwe Bubujana mburaana ramaki. ✧

²¹ Tana parei? Niom leleyom pa so mbulu i? Ko anma raama teene be anbalis yom pa, som anma raama sua luumujana mi mbulu ki lelende par piti?

5

Zin Korin bela tiziiri tomtom sananjana pa lupjana kizin

¹ Ayo, ingi be anpazal yom pa mbulu pakan ta kakamam i. Nio anlen uruyom kembei kakamam

✧ **4:15:** Ngo 18:11; Ga 4:19 ✧ **4:16:** 1Kor 11:1; Pil 3:17; 1Tes 1:6; 2Tes 3:9 ✧ **4:17:** Ngo 19:22; Pil 2:19+ ✧ **4:19:** 1Kor 16:5; 2Kor 1:15 ✧ **4:20:** 1Kor 2:4+; 1Tes 1:5

mbulu kizin me ma nge. Mi tomtom tiom ta, ni ikam tamaana waene popoŋana mi ziru tiwwa. Mbulu ta kembei na, ambai som kat. Kere. Zin wal ta tiute Anutu som na, tasa irao ikam mbulu ta kembei? Som.✧

² Nakena kapakur yom mi koso niom karao kat pa mbulu ki Anutu be parei? Sombe niom kakam kat ngar, so leleyom ipata kat mi katan pa mbulu tana, mi kiziiri tomtom tana ma imbot mat pa lupŋana tiom kek. Mi inŋi som.

³⁻⁵ Nonoono, mazwaana ti, nio itiŋan tombotmbot som. Tamen ngar tio na, imbotmbot raama yom ma kembei ta itiŋan tombotmbot. Tomtom ta ikam mbulu tana na, nio aŋkam ngar kek pa kadoono tabe ise kini i. Tana nio aŋso piom pa Merere kiti Yesu Kresi zaana ta kembei: Niom sombe kulup yom, mi sombe Merere kiti Yesu mburaana imbotmbot raama yom, mi Bubuŋana ilup ti ma kembei nio aŋbot raama yom tomini, tona kiziiri tomtom tana pa lupŋana tiom ma imbot mat, bekena iyamaana kat peeze ki Sadan. Naso ngar kini ipet mi izem ngar kini muŋguŋana ma imborene. Mi sombe nol ki Merere Yesu ipet, na ni ko imbot ambai.✧

⁶ Mbulu tiom ta kapakurkur yom ma koso karao kat pa mbulu ki Anutu, ina ambai som. Niom kuute som? Yis musaari, ina irao ikam uraata pa palawa biibi.✧

⁷ Mbulu sananŋana ki tomtom tana, ina kembei ta yis muŋguŋana. Tana kigiibi ma ila ne. Naso lupŋana tiom iwe kembei narabu popoŋana ta ka

✧ **5:1:** Lo 27:20; Ep 5:3 ✧ **5:3-5:** Mt 18:18+; Kol 2:5; 1Tim 1:20; 1Pe 4:6 ✧ **5:6:** Mt 16:6+; Ga 5:9; Yems 4:16

yis somɲana i. * Nonoono, niom kewe popoɲoyom kek. Pa Kriſi, tipuni ma imeete kek. Ni pa-toronɲana kiti, kembei sipsip ta tipunun zin pa Pasoba na.✧

⁸ Tana iti irao takam Pasoba ka mbulu pa mazwaana ta boozomen, mi menmeen ti, tapakurkur Merere, takamam mbulu ɲgezeɲana, mi tototo sua ɲonoono. Mi ɲgar sananɲana ramaki ka mbulu ta boozomen na, kipiri ma ila ne lup, kembei ta yis muɲɲana. Imbot raama yom mini pepe. Naso kewe kembei narabu ta ka yis somɲana i.✧

⁹ Muɲgu nio aɲbeede ro piom mi aɲso piom ta kembei: Zin wal tau tikamam mbulu kizin me ma ɲge na, kombot molo pizin.✧

¹⁰⁻¹¹ Sua tana, nio aɲso pizin iwal biibi ta timbotmbot toono mi tikamam mbulu tana na som. Aɲso pizin wal urlaɲan men ta tikamam mbulu tana. Pa sombe leleyom be kombot molo pizin wal matan muɲɲan ta tikamam mbulu kizin me ma ɲge, som matan koronɲan, som tiwatkewe len koronɲ kizin wal pakan, som timbesmbeeze pizin merere pakaamɲan, na niom bela kezem kat toono ti! Tana sombe tomtom sa iso ni toɲmatizɲ ki Kriſi, mi tamen ikamam mbulu kizin me ma ɲge, som mataana koronɲana, som imbesmbeeze pizin merere pakaamɲan, som igibgiibi sua sananɲana pizin tomtom, som iwinin ma zaza, som iwatkewe len koronɲ kizin wal pakan, na tom-

* **5:7:** Narabu ta ka yis somɲana i, ina iwe kin pa mbulu ambaiɲana kizin wal ki Kriſi. Mi yis na, iwe kin pa wal sananɲan mi mbulu kizin. ✧ **5:7:** Kam 12:3-21; Yo 1:29; 1Pe 1:19 ✧ **5:8:** Kam 12:18 ✧ **5:9:** 2Kor 6:14; Ep 5:11; 2Tes 3:14

tom ta kembena, niom kombot molo pini. Mi kini kanjana tomini, kagaabi pa pepe.✠

¹² Zin wal ta timbot lela lupņana ki Kriſi som na, iti lende uraata be titiiri zin pa mbulu kizin na som. Tamen zin wal ta timbot lela lupņana ki Kriſi na, niom bela kitiiri zin pa mbulu kizin mi kapazal zin.

¹³ Mi zin wal ta timbot lela lupņana ki Kriſi som na, Anutu itunu ko itiiri zin mi iso zin ambaijan, som sananjan.

Tana kakam kembei ta sua ki Merere iso na: Tomtom sananjan sa isombe imbot la mazwoyom, na kiziiri i ma imbot mat.✠

6

Zin wal urlaņan irao tiparpamender zin ila zin bibip ki toono matan pepe

¹ Niom sombe ņoņi imbot la mazwoyom, na parei ta leleyom be kuur sua tiom ila Anutu wal kini naman be tiurpe som? Kere. Niom kaparpamendernder yom ila zin bibip ki toono ta tiute Anutu som na matan. Mbulu tiom tana, koyom miaņ pa som?

² Niom kuute som? Indeeņe mbeņ kaimer ma Anutu isombe itiiri zin tomtom toono kan na, wal kini potomņan ko tigaabi pa uraata tana. Mi so kembena, na parei ta karao be kuurpe pataņana munmun ta timbot la mazwoyom ta buri i som?✠

³ Niom kuute som? Iti ko titiiri zin aņela. Tana iti irao tuurpe pataņana ta ki toono ti tomini.✠

✠ **5:10-11:** Mt 18:17; Yo 17:15; Ro 16:17; 1Kor 10:27; 2Tes 3:6

✠ **5:13:** Lo 13:5 ✠ **6:2:** Mt 19:28; Tur 20:4 ✠ **6:3:** 2Pe 2:4; Yud 6

⁴ Anso mini. Sombe patanana sa imbot la mazwoyom, na parei ta ku'urur ila zin bibip ki toono naman be tiurpe? Zin zan be timboro lupnana ki Krisi?

⁵ Koyom mian som? Parei, tomtom tiom tasa le ngar irao be iurpe zin tonmatizij ki Krisi sua kizin som?

⁶⁻⁷ Tamen niom kototo zaala ta kembei som. Ingi kapamendernder waeyom bizin ta ki Krisi i ila zin bibip ki toono ta tiurla som na keren uunu. Kere. Mbulu tana ambai?

Mbulu tiom tana iswe yom kembei kotop pa mbulu ki Krisi kek. Sombe tomtom tikam noobo yom, som tikem koron tiom, na tongo pa. Tikam lak! Niom irao kumuñai zin.✧

⁸ Tamen niom kakamam ta kembei som, mi ituyom kakamam noobo zin tomtom, mi keke-mem koron kizin. Mi mbulu tana, kakamam pa tonmatizij tiom ta ki Krisi i!

⁹ Niom kuute som? Zin wal ta so tikamam mbulu ndeenenana som, nako tirao be tilela Anutu kar kini som. Tana kapakaam ituyom pepe. Wal ta so tikamam mbulu kizin me ma nge, mi wal ta timbesmbeeze pizin merere pakaamnan, mi wal ta tipasaana ula, mi zin tomooto ta tiparmbulmbuulu zin,✧

¹⁰ mi wal kuumbunan, mi wal ta matan koronnan, mi wal ta tiwinin ma zaza, mi wal ta tigibgiibi sua sanannana pizin tomtom, mi wal ta tiwatkele len koron kizin tomtom pakan na, wal

✧ **6:6-7:** Mt 5:39+; Lu 6:29; Ro 12:17+; 1Tes 5:15; 1Pe 3:9 ✧ **6:9:** Ga 5:19+; Ep 5:5; Ibr 12:14; Tur 22:15

boozomen ta kembei, kizin tasa ko irao be ilela Anutu kar kini na som.

¹¹ Muṅgu tomtom tiom pakan tikamam mbulu ta kembei tomini. Tamen Yesu Krisi ndomoono piom, tanata Anutu kiti Bubunḡana mburaana ipus yom, mi ikam yom ma kewe wal kini potomḡan, mi kewe ndeenḡoyom pa mataana.✧

Iti tewe kembei Urum Merere be Bubunḡana Potomḡana imbot lela. Tana tuurnol pepe

¹² Wal pakan tizzo ta kembei: “Mbulu ta boozomen na, niam amrao be amkam. Ngalseki sa som.” Ina ambai. Tamen mbulu ta boozomen iuluulu iti som. Mi tomini, nio leleḡ be aḡwe mbesooḡo pa koroḡ sananḡana sa na som.✧

¹³ Mi tomtom pakan tizzo ta kembei: “Mbulu ta so amkam pa kuliyam, ina koroḡ sorok ki toono men. Kembei kini, ina koroḡ ki kopoyam. Mi kopoyom, ina imbot be kini izulla. Mi kaimer na, Anutu ko ikam koroḡ ru tana ma tila len.” Ina ḡonoono. Tamen kulindi, ina imbot be ikam mbulu kizin me ma ḡge na som. Ina imbot be imbeeze pa Merere. Pa ina koroḡ ki Merere.✧

¹⁴ Kere. Muṅgu Anutu mburaana ipei Merere kiti ma imanḡa pa naala. Mi kaimer, ni ko ipei iti tomini ma tamḡanḡa kulindi munḡaana.✧

¹⁵ Niom kuute som? Kuliyom tana, ina koroḡ ki Krisi. Pa niom ta kewe kembei Krisi namaana, ma kumbuunu ma koroḡḡanḡan ta boozomen. Parei,

✧ **6:11:** Ep 2:1+; Kol 3:7+; Tit 3:3+; Ibr 10:22; 1Pe 1:2 ✧ **6:12:** 1Kor 10:23 ✧ **6:13:** Ro 14:17; Kol 2:22+; 1Tes 4:3+ ✧ **6:14:** Ro 8:11; 2Kor 4:14; Ep 1:19+

sombe tulup Krisi koronɔɔana sa raama moori za-
ala lwoono kana, ko ambai? Som kat!✧

¹⁶⁻¹⁷ Kakam nɔgar. Sombe tomtom sa ziru moori
zaala lwoono kana tiparlup zin, na ziru tiwe kem-
bei tomtom ta. Pa sua imbot pataaɔa kek:
Ziru ko tiparlup zin ma tiwe tamen.✧

Tamen tomtom ta sombe Bubunɔana ikami ma
iwe Merere lene, na ni ziru Merere tiparlup zin
ma tiwe tamen. Parei, ko tomtom ta kembena isu
mini mi ilup raama moori zaala lwoono kana?✧

¹⁸ Tana kombot molo pa mbulu kizin me ma
nɔge. Pa sanaana boozomen ta tomtom tikamam,
ina kembei imbot mat pa kulin. Tamen sombe
takam mbulu kizin me ma nɔge, na takam sanaana
pa itundu kulindi.✧

¹⁹ Niom kuute som? Kuliynom tana, ina iwe
kembei Urum Merere be Bubunɔana Potomɔana
ta Anutu ikam piom na imbot lela. Tana niom
komboro ituyom mini som.✧

²⁰ Pa Anutu inɔgiimi yom pa kadoono biibi ma
kewe lene kek. Tana mbulu ta kakamam pa
kuliynom, ina be ipakur Anutu.✧

7

Paulus ipazal zin Korin pa ula ka nɔgar pakan

¹ Ayo, inɔgi be anɔpekel wiɔana pakan ta imbot la
ro tiom ta kebeede ma imar na. Niom kozzo ta

✧ **6:15:** Ro 12:5; 1Kor 12:27; Ep 5:30 ✧ **6:16-17:** Un 2:24

✧ **6:16-17:** Yo 17:21+; Ro 8:9+; 1Kor 12:13; Ep 4:4 ✧ **6:18:** Ro
6:12+; 1Tes 4:3; Ibr 13:4 ✧ **6:19:** Ro 14:7+; 1Kor 3:16+; 2Kor 6:16

✧ **6:20:** Yo 15:8; 1Kor 7:23; Ga 3:13; Ibr 9:12; 1Pe 1:18+

kembe: “Sombe tomooto ila ki moori som, ina ambai.”

² Tamen mbulu kizin me ma nge ta ipet ma iwe biibi kek. Tana sombe tomooto ziru kusiini tiparmbot molo pizin, na tirre be tiparlup zin mini.

³ Sombe moori sa leleene be ziru kusiini tikeene, na kusiini irao iyok pini. Mi tomooto ta kembena. Sombe kusiini leleene be ziru tikeene, na ni irao iyok pini. Pa ina mbulu ki ula.✧

⁴ Moori, ni imborro itunu kuliini som. Waene ta imborro. Mi tomooto ta kembena. Ni imborro itunu kuliini som. Waene ta imborro.

⁵ Tana kuruutu kuliyom pa kusiyom bizin pepe. Tamen sombe niomru kusim koyok raraate be kasapaara pa mbulu ki ula pa mazwaana rimen bekena kombot kat pa sunjana, ina ambai. Sua sa som. Mi kaimer to kaparlup yom mini. Kokena karao be kayaraama ituyom som, to Sadan iwat yom ma kotop.

⁶ Tana nio ansope yom ta kembei: Sombe leleyom be kasapaara pa mbulu ki ula pa mazwaana rimen, na irao. Mi kakam ma iwe tutu piom pepe.

⁷ Mi nio leleŋ anso tomtom ta boozomen tiwe kembei ta nio i mi tiwoolo som, to ndabok. Tamen Anutu iur mbotjana matakiŋa piti. Mi mbulu pareiŋana ta so ni iur piti, na kampenana kini ko imbotmbot raama.✧

⁸ Mi niom kisa ma noroŋa na, nio anso piom ta kembei: Niom sombe kowoolo mini som, mi kombot kembei ta nio i, ina ambai.

✧ **7:3:** Kam 21:10; 1Pe 3:7 ✧ **7:7:** Mt 19:11+; 1Kor 12:4,11

9 Tamen sombe karao be kayaraama ituyom som, na kowoolo koyom! Kokena kowoolo som, to leleyom imanɗanɗa pa mbulu sananɗana.✧

10 Mi wal ulaɗan na, nio aɗur sua pizin ta kembei. Mi sua ti, nio sua tio som. Ingi Merere itunu kalɗaana. Moori irao izem kusiini mi iyembut ula kizin na pepe.

11 Mi sombe moori sa izem kusiini, na irao iwoolo mini pepe. Som na imiili ma ila ki kusiini, mi ziru tilup zin mini. Mi zin tomooto ta kembena. Irao tiyembut ula kizin pepe.✧

12 Mi niom pakan na, nio leɗ sua piom ta kembei. Mi ingi Merere sua kini som. Ingi ituɗ aɗso. Sombe tomooto urlaɗana sa kusiini iurla som, mi tamen kusiini iyok be imbot raami, na tomooto tana iyembut ula kizin pepe.

13 Mi sombe moori urlaɗana sa kusiini iurla som, mi kusiini iyok be imbot raami, na moori tana tomuni iyembut ula kizin pepe.

14 Pa moori urlaɗana ko iwe zaala pa kusiini ta iurla som na be iwe Anutu lene. Mi tomooto urlaɗana ko iwe zaala pa kusiini ta iurla som na be iwe Anutu lene. Mi sombe keyembut ula tiom, inako kapakaala zaala pa lutuyom bizin be tiɗgeeze pa Anutu mataana. Tamen ingi timbot la zaala tabe tiwe Anutu lene i kek.

15 Tamen sombe tomtom urlaɗana sa kusiini iurla som, mi imanɗanɗ be iyembut ula kizin, na tomtom urlaɗana tana irao iyok pini, mi izemi ma ila. Ka ɗgalseki sa som. Pa Anutu iboobo iti be tombot la mbulu luumuɗana men.✧

✧ 7:9: 1Tim 5:14 ✧ 7:11: Mk 10:11+ ✧ 7:15: Ro 12:18, 14:19

16 Mi niom moori ta kuurla na, kuute som. Ko kewe zaala pa kusiyom bizin be Anutu ikamke zin ma ingi. Mi niom tomooto ta kembena. Kuute som. Ko kewe zaala pa kusiyom bizin be Anutu ikamke zin ma ingi.✧

Mbotņana pareiņana taso Anutu ikam piti, na lelende ambai pa men

17 Mbotņana pareiņana ta so Anutu ikam piti, na lelende ambai pa men. Tana mbotņana kiti ta takamam indeeņe Anutu iboobo iti ma tewe Krisi lene na, tombot men ta kembei mi ila. Sua ti, nio aņpaute zin lupņana ki Krisi pa irao lele ta boozomen.

18 Tana sombe tomtom sa tireeti mi Anutu iboobi, na ni itoombo be iurpe kuliini pepe. Mi sombe tomtom sa tireeti som mi Anutu iboobi, na irao ikam ņgar pa reeteņana pepe.

19 Pa sombe tireete iti, som tireete iti som, ina koron sorok. Mi mbulu tau matanda ingalņgal Anutu tutu kini mi tototo, ina koron ņonoono.✧

20 Tana mbotņana kizin tomtom tataņa ta tika-mam indeeņe Anutu iboobo zin na, irao tikiskis men.

21 Sombe tomtom sa ikamu ma mbotmbot kini be mbesmbeeze pini, mi Merere iboobu ma we lene, na lelem ipata pa uraata ku tana pepe. Tamen sombe zaala ambaiņana sa ipet pu be zem uraata ku tana, na nu rao zem.

22 Pa tomtom ta so iwe mbesoono pa tomtom toro ma imbotmbot, mi Merere iboobi ma iwe lene, na Merere ire i kembei ni mbesoono mini som. ņonoono, mbesoono tana ko imbesmbeeze

✧ 7:16: 1Pe 3:1 ✧ 7:19: Yo 15:14; Ro 2:25; Ga 5:6, 6:15

men pa biibi kini. Tamen Merere itatke i pa sanaana ta mun̄gu imborro i na. Mi tomtom ta ni mbesoon̄o som, mi imborro itunu mi Anutu iboobi na, ni iwe mbesoon̄o pa Anutu.✠

23 Mi niom na, Anutu in̄giimi yom pa kadoono biibi ma kewe lene kek. Tana kusu mini ma kewe mbesoon̄o pa ngar soroksorok kizin tomtom pepe.✠

24 Tana niom ton̄matizin̄ tio, mbot̄jana kiti ta takamam indeen̄e Anutu iboobo iti na, iti irao tikiskis men mi tembesmbeeze pa Anutu.

Sua ta ila pizin wal ta tiwoolo zen

25 Mi zin tamurin̄ ma nan̄gan̄ ta tiwoolo zen na, nio len̄ sua pizin tomini. Mi in̄gi tutu ki Merere som. In̄gi itun̄ sua tio. Tamen mun̄ain̄ana ki Merere imbotm̄bot se tio. Tana niom irao kendemeere sua tio ti mi kelen̄ la kal̄on̄.✠

26 Nio an̄re ta kembei: Tomtom sa isombe iwoolo kek, som iwoolo zen, na imbot men ta kembei mi ila to ambai. Pa in̄gi be toporou sala patan̄ana biibi i.

27 Mi nu sombe mbuk sua pa moori sa be wooli, na reege sua ku mbuk̄jana tana pepe. Mi sombe woolo zen na, kam kinkiini be woolo pepe.

28 Tamen sombe woolo, ina ambai tomini. Sanaana sa som. Mi moori ta kembena. Sombe iwoolo, na ikam sanaana som. Mi nio an̄ute: Wal ulan̄an ko tindeen̄e patan̄ana boozo isu toono ti. Mi lelen̄ be patan̄ana ta kembei indeen̄e yom pepe. Tanata an̄kam sua ti piom.

✠ 7:22: Yo 8:36; Ga 5:13; Ep 6:6; Plm 16; 1Pe 2:16 ✠ 7:23: 1Kor 6:20; 1Pe 1:18+ ✠ 7:25: 2Kor 8:8+; 1Tim 1:12-16

Takam ngar biibi pa koronj toono kan pepe

²⁹ O niom tonmatizij tio, sua tio ti ka uunu ta kembei. Iti ko tombot su toono ma molo na som. Tana ta koozi mi ila na, irao takam ngar biibi pa mbotjana kiti ta ki toono i na pepe. Tana zin tomooto ta tiwoolo kek na, irao timbot kembei zin wal ta tiwoolo som.✧

³⁰ Mi zin wal ta lelen ipata na, irao timbot kembei zin wal ta lelen ipata som. Mi zin wal ta menmeen zin na, irao timbot kembei zin wal ta menmeen zin som. Mi zin wal ta tingingiimi len koronj na, irao tikam ngar ta kembei: Koronj tana, koronj kizin som. Ina koronj ki Anutu.

³¹ Mi zin wal ta tikamam uraata pa koronj ta imbotmbot toono na, irao ngar kizin imap ma ilala pa koronj tana pepe. Pa iti tuute: Toono ti ramaki ka mbulu, ta inji be imap i.✧

³² Nio lelenj be niom kopoyom rru mi kakamam ngar boozo pepe. Tanata anso sua ti. Tomooto urlanana ta sombe iwoolo som, na ni ikamam ngar biibi pa koronj ki Merere. Pa leleene be ikam ma Merere leleene ambai.

³³ Mi tomooto urlanana ta so iwoolo kek, na ni ikamam ngar biibi pa koronj ki toono. Pa leleene be ikam ma kusiini leleene ambai.✧

³⁴ Tana ngar kini iwe ru. Mi zin noronja mi tamurinj ta tiurla na, ta kembena. Tikamam ngar pa Merere men. Pa tisombe tiur zitun ma tiwe ni lene kat. Ngar kizin, lelen, kulin, koronj kizin ta boozomen. Tamen zin moori urlanana ta so tiwoolo

✧ **7:29:** Ro 13:11+; 1Kor 10:11 ✧ **7:31:** Mbo 39:6; Kol 3:2; 2Pe 3:11+; 1Yo 2:15+ ✧ **7:33:** Lu 14:20

kek na, tikamam n̄gar biibi pa koron̄ ki toono. Pa tisombe tikam ma kusin bizin lelen ambai.☆

³⁵ Sua tio ti, nio ānso bekena ānpakaala yom pa ula som. In̄gi ānso bekena ān̄uulu yom ma n̄gar tiom imap ma ila ki Merere, mibe kakam kat mbulu mi kewe Merere lene kat.

³⁶ Tamen sombe tomtom sa tiroogo moori pini kek, mi tamen ziru tiwoolo zen, mi sombe ire kembei moori tana imbot sorok ta kembei, ina ambai som, mi itunu iman̄man̄ pa mbulu ki ula, na ambai be ito leleene mi ziru tiwoolo. Sanaana sa som.

³⁷ Tamen sombe tomooto sa leleene mi n̄gar kini imbol be iwoolo moori ta tiroogi pini na pepe, mi ni irao be iyaraama itunu, na tomtom ta kembei isombe iwoolo som, na ikam ambai. Sua sa som. Tamen bela itunu iyok kat. Kokena ito wal pakan n̄gar kizin, mi ikam ta kembei.

³⁸ Tana tomooto ta sombe iwoolo, na ni ikam ambai. Mi tomooto ta sombe iwoolo som, na ni ikam ambai ma ilip.☆

³⁹ Mi zin moori ulāan na, sombe kusin bizin timetmeete zen, na irao tiyembut ula kizin pepe. Timbot men ki kusin bizin. Mi sombe moori sa kusiini imeete, na irao iwoolo mini. Mi kozo mataana in̄gal be iwoolo tomooto urlāana men.☆

⁴⁰ Tamen nio ān̄re ta kembei: Sombe zin noron̄a tiwoolo mini som mi timbotmbot men ta kembei, inako lelen ambai ma ilip pizin noron̄a ta tiwoolo mini na. Mi nio tomini ān̄so Anutu Bubun̄ana ikamam peeze pa n̄gar tio.

☆ **7:34:** 1Tim 5:5 ☆ **7:38:** Ibr 13:4 ☆ **7:39:** Ro 7:2+; 2Kor 6:14

8

Sua pa buzur ta tipatoron zin merere pakaamɲan pa i

¹ Ayo, ɲingi be aɲso pa buzur ta tipatoron zin merere pakaamɲan pa i.

Niom pakan kozzo ta kembei: “Buzur tana ka ɲgar, niam ta boozomen ambot mat pa kek.” Ina ambai. Mi kere yom. Kokena ɲgar tiom ikam yom ma kapakur yom mi koso kilip pa waeyom bizin pakan. Mi mbulu ki lelende par piti, ina ikam ti ma taparpombolmbol ti.✧

² Sombe tomtom sa indemeere kembei ni irao kat pa ɲgar, ina iswe kembei ni ikam kat ɲgar zen.✧

³ Mi sombe tomtom sa iurur kat leleene pa Anutu mi zin tomtom, ina iswe kembei ni ikam kat ɲgar.✧

⁴ Aɲmiili mini pa buzur ta tipatoron zin merere pakaamɲan pa i. Niom kiwi ta kembei: “Ko wal urlaɲan irao tikan, som som?”

Mi pekelaɲana tio ta kembei: Iti tuute: Merere pakaamɲan, ina koron ɲonoono som. Pa Anutu tamen ta imbotmbot i. Toro sa som.✧

⁵ ɲonoono, tomtom tiurla ki koron boozo ta timbot saamba ma toono na, mi tiwatwaata zin be ‘anutu’ som ‘merere’ kizin.

⁶ Tamen iti na, tuurla ki Anutu tamen. Ni Tamanda ta iur koron ta boozomen, mi iti tombot be tembeeze pini. Mi iti tuurla ki Merere tamen, Yesu Krisi. Ni ta iwe zaala pa koron ta boozomen ma tipet, mi iwe zaala piti ma tewe Anutu lene.✧

✧ **8:1:** ɲgo 15:20; Ro 14:3,10,14 ✧ **8:2:** 1Kor 13:8-12; Ga 6:3; 1Tim 6:4 ✧ **8:3:** 1Yo 4:7+ ✧ **8:4:** Kam 34:14+; 1Kor 10:19+; Ga 4:8; Ep 4:5+; 1Tim 2:5 ✧ **8:6:** Yo 1:3+; ɲgo 17:28; Ro 11:36; Pil 2:11

⁷ Tamen wal pakan ta urlañana kizin imbol zen na, timbot mat pa koronj taiñgi som. Wal ta kembei, ta munġu mi imar na, timbesmbeeze pizin merere pakaamñan. Tana koozi, sombe tikan kini, som buzur sa ta tipakur merere pakaamñana pa na, to nġar kizin ilala pa merere pakaamñana tana. Tabe ikam ma tiyamaana zitun kembei tikam njoobo mbulu ma tisaana pa Anutu mataana.✧

⁸ Nonoono, kini ma buzur, sombe takan, som takan som, ina koronj sorok. Irao ikam ti ma tewe ambainñanda, som sananñanda pa Anutu mataana na som.✧

⁹ Tamen niom wal ta leyom nġar pa koronj taiñgi mi kuute kembei kini ma buzur tana ka nġalseki sa som na, kere yom. Kokena kayaaru zin wal ta urlañana kizin imbol zen na, ma titop.✧

¹⁰ Nu tomtom ta ndemeere kembei mbot mat pa nġar ki Krisi na, sombe kanan kini lela urum ki merere pakaamñana sa, mi sombe tomtom sa ta urlañana kini imbol zen na, imar mi ire u, nako pomboli be ito u ma ikan kini tana tomini.

¹¹ Tana re u. Kokena nġar ku tana ipasaana urlañana ki tonmatiziñ ku ta Krisi imeete pini na, ma ila lene.✧

¹² Pa niom sombe kakam ta kembei, na kakam sanaana pa Krisi. Paso, kakam sanaana pa zin tonmatiziñ ku ta urlañana kizin imbol zen na, mi kakam zin ma tiyamaana zitun kembei tikam njoobo mbulu.

¹³ Tana sombe kini sa, som buzur sa irao ikam tonmatiziñ tio ma itop pa urlañana kini, na nio

✧ **8:7:** Ro 14:14,23; 1Kor 10:28+ ✧ **8:8:** Mk 7:19; Ro 14:14,17; 1br 13:9 ✧ **8:9:** Ro 14:13+; Ga 5:13; 1Pe 2:16 ✧ **8:11:** Ro 14:15+

ko irao ankan mini koron tana na som. Kokena ankam ma itop pa urlana kini.✧

9

Paulus isotaara zin Korin pa uunu tau ni iyok pizin be tikam le kadoono som

¹ Niom Korin koyom kere yo be parei? Nio irao anboro itun som? Nio zon pa uraata ki ngonana som? Nio ti anre kat Merere kiti Yesu som? Uraata ki Merere ta ankamam na, iur nonoono piom som?✧

² Nonoono, wal pakan sa ko tire yo kembei nio ngonana nonoono ki Krisi som. Mi niom na, kuute. Pa uraata ta ankam la mazwoyom ma iur nonoono, ta iswe yo kembei nio ngonana nonoono ki Merere.✧

³ Zin wal ta titirtiiri yo ma tizzo nio ngonana nonoono som na, nio anpekela sua kizin ta kembei:

⁴ Parei, niam ta zoyam pa uraata ki Merere na, irao tomtom tiulu yam pa koyam kini ma yok som?✧

⁵ Mi parei, sombe amwoolo, na irao amkam kusiyam bizin ta tiurla i, mi niamnan amwawa pa uraata ki Merere som? Irao amkam kembei Merere itunu tiziini bizin, mi Petrus, raama ngonana pakan som?

⁶ Mi parei, niom koso niamru Panabas men ta amrao be amkam uraata pa nomoyam som, tanata leleyom be ambot mi amdemeere yom men pa mbotjana tiam?

⁷ Kakam ngar pizin wal malmal kan. Zin timborro zitun pa len pat mi kan kini? Som. Mi

✧ **8:13:** Ro 14:19+ ✧ **9:1:** Ngo 9:3, 9:15+; 1Kor 3:5+, 4:15 ✧ **9:2:** 2Kor 3:2+ ✧ **9:4:** Lu 10:8

sombe tomtom sa ipaaza baen, ko itunu irao ikan ka ŋonoono som? Som. Ni irao ikan. Mi parei? Ko mboronjan kizin sipsip mi mekmek irao ikam tui kizin mi iwin som?✧

8-9 Sua tio ti, kokena niom koso nio anjo ngar kizin tomtom men mi anso. Na som. Pa tutu ki Mose iso sua raraate men ta kembei: Sombe bapalo ikamam uraata pu mi ipadagdaaga kini wit, na po kwoono pepe. Bela kwoono imbot sorok. Naso irao ikan kana tomini.✧

Parei, Anutu ikam ngar pizin bapalo men, mi iur tutu tana?

10 Som. Ni ikam ngar piti tomtom tommini. Sua tana indeenje kat niam ngonjana. Kokena tomtom ta itaara toono be ipaaza kini, mi tomtom ta ingaama kini na, tikam ngar kembei tikamam sorok uraata. Ina ambai som. Zin irao tiur matan pa kan kini pakan tommini. Uunu tina ta tibeede tutu tana.

11 Indeenje ta amkam uraata la mazwoyom na, niam kembei ampaaza kini ta ki Bubunana i. Tana niomombe kipimiili koron pakan tabe ipombol kuliya i, ina indeenje. Mi niom kere be parei? Amur motoyam pa koron biibi mete?✧

12 Wal pakan na, kere zin kembei zan be kakam ulaanja pizin. Ina ambai. Mi so kembena, na niom irao kakam leyam tommini. Naso indeenje kat.

Tana niamru Panabas tommini zoyam be amkam ulaanja pakan pa uraata tiam. Tamen munju amyok be ku'uulu yam som. Pa amoto: Kokena amkam, to ipakaala zaala pa uruunu ambainana

✧ 9:7: 2Tim 2:6 ✧ 9:8-9: Lo 25:4; 1Tim 5:18 ✧ 9:11: Ro 15:27; Ga 6:6

ki Krisi. Mi sombe ambot ŋoobo, na tonjo. Pa niamru amrao ambaada patanjana ta boozomen.✧

¹³ Niom kuute som? Zin wal ta tikamam uraata lela Urum Merere na, tikanan urum tana ka kini. Mi zin wal ta tikamam patoronjana sala artaal na, zin tikanan patoronjana pakan.✧

¹⁴ Ina zaala raraate men pizin wal ta tizzo-yaryaara uruunu ambainjana na. Pa Merere, ni itunu iur len zaala ta kembei: Zin tirao be tikam len kadoono pa uraata kizin. Naso iuulu zin pa mboti kizin.✧

¹⁵ Tana nio sombe anjam len kadoono pa uraata tio, ina indeenje men. Tamen ta munju mi imar na, anjok be anjam som. Mi koozi tomimi, anbeede sua ti bekena anjam leleyom ma kakam len kadoono na som. Lelen pa som kat. Bela anmeete munju, tona kakam len kadoono! Pa zaala ta anjamam uraata pa i, ta ikam yo ma nin ise. Tana ngar tio imbol kat be anjam len kadoono sa pa uraata tio pepe. Mi tomtom sa irao itooro ngar tio ti na som.✧

¹⁶ Nio sombe ansoyaara uruunu ambainjana, na len uunu sa be anpakur itun pa i na som. Pa Anutu itunu ta iur uraata tana imar nomon. Tana nio sombe ansoyaara uruunu ambainjana som, na anbel itun kek.✧

¹⁷ Nio sombe itun lelen men mi ansoyaara sua ki Merere, so irao anjam len kadoono pa uraata tana. Mi inji som. Pa anwe Anutu mbesonjo kini kek, mi ni iur uraata ti imar nomon be anjam.✧

✧ **9:12:** Ngo 20:33+; 2Kor 11:7-12+; 1Tes 2:9 ✧ **9:13:** Wkp 6:16,26; Lo 18:1 ✧ **9:14:** Lu 10:7; 1Tim 5:17+ ✧ **9:15:** Ngo 18:3, 20:34; 2Kor 11:10 ✧ **9:16:** Yer 20:9; Ngo 9:15; Ro 1:14+ ✧ **9:17:** 1Kor 4:1; Ga 2:7; Kol 1:25

18 Tana ko aŋkam leŋ kadoono pareiŋana? Pa gorgori ta aŋzzoyaryaara uruunu ambaiŋana pizin tomtom na, aŋboboobo pa kadoono ta zonj pa i som. Aŋkamam pizin sorok. Mi mbulu tina, ta ikam yo ma niŋ ise. Kadoono tio ta tina.

Paulus ito mbulu matakiŋa beken a iyaaru zin tomtom ma tiwe Kriŋi lene

19 Nio ti, tomtom sa imboro yo som. Ituj aŋboro yo. Tamen aŋjurur ituj ma aŋwe mbesooŋo pa wal ta boozomen, beken a aŋyaaru tomtom boozo ma tiwe Kriŋi lene.✧

20 Sombe aŋbot raama zin Yuda, na aŋto mbulu kizin beken a aŋyaaru zin ma tiwe Kriŋi lene. Nonoono, tutu kizin imboro yo mini som. Tamen aŋbot kembei zin wal ta tutu imborro zin na, beken a aŋyaaru zin ma tiwe Kriŋi lene.✧

21 Mi sombe aŋbot raama zin wal ta tiute Yuda tutu kizin som, na nio tomini aŋto tutu tana som. Pa aŋso aŋyaaru zin tomini ma tiwe Kriŋi lene. Tamen nio aŋzooro Anutu tutu kini som. Pa tutu ki Kriŋi ta ikamam peeze pio.✧

22 Sombe aŋbot raama zin wal ta urlaŋana kizin imbol zen, na nio aŋbot kembei ta zin, beken a aŋkam zin ma timbol kat. Tana nio aŋto wal ta boozomen pa mbulu kizin kizin, beken a aŋkamke tomtom kizin pakan ma tiwe Kriŋi lene. Tana zaala pareiŋana ta sombe ambai pizin, na nio aŋto men.✧

23 Pa mbulu tio ta boozomen na, aŋkamam beken a aŋpoloondo uruunu ambaiŋana mi irak ma

✧ **9:19:** Mt 20:26+; Ga 5:13 ✧ **9:20:** Nŋo 16:3, 20:21-24; Ro 6:14+; Ga 3:25 ✧ **9:21:** Ro 2:12+, 7:6; Ga 2:3+ ✧ **9:22:** Ro 15:1+; 1Kor 10:33; 2Kor 11:29

irao zin tomtom. Naso niamņan mi ambot lela kampeņana ki uruunu ambaiņana.

Matanda siņsiņ pa londi biibi ta ki Anutu i

²⁴ Iti tuute: Londi sa isombe ipet, na zin wal ta zan imbot pa londi tina, inako timap ma tiloondo. Mi tomtom tamen ta ko ilip mi ikam le kadoono. Tana motoyom siņsiņ pa londi biibi ta ki Anutu i, mi koloondo kat. Naso kakam leyom kadoono ambaiņana.✠

²⁵ Wal boozomen ta tisombe tiloondo pa londi biibi, na tigabiizi kat zitun pa koron boozo. Pa tiso ko iuulu zin be tilip. Mi kadoono ta tikam kinkiini pa i, ina irao imbot ma molo na som. Loņa men mi isaana. Mi iti na, takam kinkiini pa koron tabe imbot ma alok i.✠

²⁶ Nio kembei tomtom ta mata lawelawe pa londi i som. Nio aņkamam kembei tomtom ta iņgun uteene, mi iloondo kat bekena ise londi ka senņaana ta imap pa i. Mi nio kembei tomtom ta iwirri sorok namaana pa malmal i som. Nio kembei tomtom ta iwirri namaana mi ipunun katkat tomtom i.

²⁷ Pa aņpunun ņgar ta ki kuliņ i bekena aņkoto ņgar tana mi aņyaraama kat ituņ. Kokena aņkam kat mbulu som, mi aņkamam sua pizin tomtom, to kaimer ituņ aņrao aņkam leņ kadoono ambaiņana som.✠

✠ **9:24:** Pil 2:16, 3:14; 2Tim 4:7+; Ibr 12:1 ✠ **9:25:** 1Tim 6:12; 2Tim 2:4+; Yems 1:12; 1Pe 1:4, 5:4; Tur 2:10 ✠ **9:27:** Ro 13:14; Pil 3:13+; Kol 3:5

10

Tere ti. Kokena tagabiizi itundu som, to totop kembei ta zin Israel

¹ O niom tonmatizij tio, nio lelej be motoyom injal mbulu ta munġu ipet pa tumbundu bizin na. Indeeġe ta zijaŋ Mose tizem Aikuptu na, miiri tieene ikamam peeze pizin ta boozomen. Mi zin ta boozomen tindu tai.*

² Mbulu ta ipet pizin pa tai ma miiri tieene na, ina kembei tikam yok. Pa mazwaana tana timaŋga pa mbotjana popoŋana be tito Mose.

³⁻⁴ Mi zin ta boozomen tikan kini ta ki Bubujana i, mi tiwin yok ta ki Bubujana i. Tana zin ta boozomen raraate men. Pa timap tiwinin yok la pat ta ki Bubujana i tau igabgaaba zin ma zijaŋ tiwwa. Pat tana na, Krisi itunu tau.*

⁵ Tamen kaimer tomtom boozomen kizin Israel tizooro Anutu. Tanata ni leleene ambai pizin som, mi ikasgeege zin ma timetmeete lejaŋa pa lele bilimjana.*

⁶ Mbulu boozomen ta ipet pizin, ina iso iti ta kembei: Kokena tuur lelende pa koron sanannan kembei ta zin na, to iti tomini tala lende.*

* **10:1:** Kam 13:21+, 14:22+; Mbo 78:13 * **10:3-4:** Kam 17:1+ mi Nam 20:1+ iso pa mazwaana ru ta Anutu ikam ma yok ireere pa pat bekena zin Israel tiwin. Zin Yuda pakan tiwidit mbol pa mbulu tana ma tiso ina pat tamen tau. Mi tizzo ta kembei: Pat tana, munġu tumbun bizin tiwwa raama isu lele bilimjana. Mi gorgori yok ireere pa. Tamen wal ngarjan pakan tisombe pat tana, ina sua tooroŋana pa Anutu itunu. Pa ni iwwa raama zin mi ipombolmbol zin. Re Lo 32:4,31. * **10:3-4:** Kam 16:14+, 17:1+; Nam 20:1+; Mbo 78:15-24 * **10:5:** Nam 14:29+; Mbo 106:26; Ibr 3:17+; Yud 5 * **10:6:** Nam 11:4; Mbo 106:14

⁷ Tana kembeeze pizin merere pakaamŋan kembei ta muŋgu zin Israel pakan tikam na pepe. Pa sua ki Anutu iso ta kembei:
Zin tomtom mbulen su, mi tikanan ma tiwinin, to tisu na tikam mbulu bozboozo.✧

⁸ Mi takam mbulu kizin me ma nge pepe. Pa zin Israel pakan tikam ta kembei, mi tomtom kizin 23,000 timetmeete pa aigule tamen ŋonoono.✧

⁹ Mi totoombo Merere mburaana pepe. Pa zin Israel pakan tikam ta kembei, to mooto sananŋan tipet, mi tipasaana zin ma timetmeete.✧

¹⁰ Mi toyyo kwondo pa Anutu mi wal peeze kan kini pepe. Pa zin Israel pakan tikam ta kembei, to aŋela ta ikamam zaaba pizin tomtom i, ikas zin ma timetmeete.✧

¹¹ Nonoono, mbulu boozomen tana ipet pizin Israel. Mi ina ipei ngar kiti tomini be matanda ingal itundu. Pa inŋi tombot la mazwaana kaimer kana tabe koron ta boozomen imap pa i.✧

¹² Tana sombe tomtom sa indemeere kembei imender mbolŋana, na ire i. Kokena itop.✧

¹³ Toomboŋana boozomen ta tiwedet piom, ina raraate men pa toomboŋana ta gorgori tiwedet pizin tomtom ta boozomen. Tipa ndel som. Mi niom irao kapase pa Anutu. Pa toomboŋana ta so karao be kabaada som, na ni ko iyok pa be ise tiom na som. Som kat. Mi sombe izem toomboŋana sa ma ipet piom, na ni kola iur leyom zaala tomini

✧ **10:7:** Kam 32:6 ✧ **10:8:** Nam 25:1+; Mbo 106:29; Tur 2:14

✧ **10:9:** Kam 17:2,7; Nam 21:5+; Mbo 95:9 ✧ **10:10:** Kam 12:33;

Nam 14:1+; Ibr 3:11,17 ✧ **10:11:** Ro 15:4; 1Kor 7:29; 1Pe 4:7; 1Yo

2:18 ✧ **10:12:** Ro 11:20

be koko pa. Naso kemender mbolɔana mi kilip pa toombolɔana tana.✧

Tombot molo pizin merere pakaamɔan mi urum kizin

¹⁴ Tana mbulu ki tembeeze pizin merere pakaamɔan na, kombot molo pa. O niom, nio lelej piom, tanata anɔkam sua taiŋgi piom.✧

¹⁵ Niom leyom ngar. Tana ituyom irao kitiiri sua tio ti.

¹⁶ Iti sombe takan Pasa ma tiwin la mbooro, na tapakur Anutu mi lelende ambai pini pa kampeɔana kini. Mi iti tuute: Sombe tiwin la mbooro tana, inabe itiɔan Kriŋi tulup ti ma tewe tamen ma kembei siŋ kini iwe lende. Mi narabu ta tetete na, ta kembena. Sombe takan, inabe itiɔan Kriŋi tulup ti ma tewe tamen ma kembei mazaana iwe lende.✧

¹⁷ Mi narabu tamen ta iti ta boozomen takan la, ina iwe kin kembei iti ta boozomen tulup ti ma tewe kembei tomtom tamen. Pa takan la narabu tamen tau.✧

¹⁸ Kakam ngar pa mbulu kizin Israel tomini. Sombe tikam patoronɔana, na mbili suruunu ta, tineene sala artaal pa Anutu. Mi suruunu toro na, zitun tikan beken a ziɔan Anutu tiparlup zin ma tiwe tamen.✧

¹⁹ Kenako toso parei pizin merere pakaamɔan mi kini ta tikamam pizin na? Ina koron ɔnono? Som.✧

✧ **10:13:** Mbo 68:19; 1Kor 1:9; 1Tes 5:24; 2Pe 2:9 ✧ **10:14:** Ngo 15:20; 2Kor 6:16+; 1Yo 5:21 ✧ **10:16:** Mk 14:22+; Ngo 2:42,46
 ✧ **10:17:** Yo 6:33+; Ro 12:5; 1Kor 12:13,27 ✧ **10:18:** Wkp 7:15
 ✧ **10:19:** 1Kor 8:4+

20 Patoronjana ta wal matan munjan tikamam lela urum kizin merere pakaamjan, ina tikamam pa Anutu som. Tikamam pa zin bubujana sananjan. Mi nio lelej be kagaaba zin pa mbulu tana pepe. Kokena niomjan zin bubujana sananjan kaparlup yom ma kewe tamen.✧

21 Tana niom irao kiwin la Merere mbooro kini, to kusu mi kiwin la mbooro kizin bubujana sananjan na pepe. Mi niom irao kakan kini ta imbot sala Merere mbalia kini, to kusu mi kakan kini ta imbot sala mbalia kizin bubujana sananjan lela urum kizin na pepe.✧

22 Kokena kakam ta kembei, to kapamalmal Merere keteene. Pa ni mata mburmburjana. Mi parei, iti mburanda ilip pini?✧

Mbulu kiti ta boozomen bela iuulu waende bizin mi ipakur Anutu

23 Tomtom tiom pakan tizzo ta kembei: “Niam amrao amkam mbulu ta boozomen. Koronj sa ko iwe ngalsekjana piam som.” Ina ambai. Tamen mbulu ta boozomen iuluulu iti som. Mi mbulu ta boozomen ipombolmbol ti som.✧

24 Mi takam ngar pa itundu men pepe. Takam ngar pa waende bizin be tu'uulu zin.✧

25 Mi buzur ta so kere imbot su nol muriini na, kakam ngar boozo pa mi kiwi pa pepe. Irao kinjiimi mi kakan. Pa sombe imar pa urum ki merere pakaamjana sa, ina koronj sorok.✧

26 Pa sua ki Merere iso ta kembei:

✧ **10:20:** Lo 32:17; Mbo 106:37; Tur 9:20 ✧ **10:21:** 2Kor 6:15+
 ✧ **10:22:** Lo 32:21; Mbo 78:58 ✧ **10:23:** 1Kor 6:12 ✧ **10:24:**
 Ro 15:1+; 1Kor 13:5; Pil 2:4-21 ✧ **10:25:** 1Tim 4:4

Toono ramaki koroŋ boozomen ta timbot pa, ina koroŋ ki Merere men.✠

²⁷ Tana sombe tomtom sa ta iurla ki Kriŋ som na, iso piom be kala ruumu kini mi niomŋan kakan kini, mi sombe leleyom be kala, na irao kala. Mi kini pareiŋana ta so tikam piom na, kakan men. Kakam ŋgar boozo pa mi kiwi pa pepe.✠

²⁸ Tamen sombe tomtom sa isotaara yom kembei buzur tana imar pa urum ki merere pakaamŋana sa, na kakan pepe. Kokena kakan, to ni ikam ŋgar boozo piom, mi iso niom kakam ŋoobo.✠

²⁹ Nonoono, niom sombe kakan buzur tana, na kakam ŋoobo mbulu som. Mi kakam ŋgar pa waeyom tana. Kokena ni isombe niom kakam ŋoobo.

Mi nio aŋute: Tomtom pakan ko timaŋga ma tiso: “Niam ti amrao amyok pa tomtom toro sa be imboro yam na som. Ko tomtom toro sa irao be iso yam pa mbulu ambaiŋana mi mbulu sananŋana? Som kat!✠

³⁰ Sombe ampakur Anutu pa kini tiam, mi leleyam ambai pini, na parei ta tomtom toro iyyo kwoono piam.”✠

³¹ Mi nio aŋso ta kembei: Niom sombe kakan, som kiwin, som kakam mbulu pareiŋana sa, na kakam mbulu ta boozomen be kapakur Anutu zaana pa.✠

✠ **10:26:** Kam 19:5; Mbo 24:1 ✠ **10:27:** Lu 10:7+ ✠ **10:28:** 1Kor 8:7 ✠ **10:29:** Ro 14:14,16 ✠ **10:30:** Ro 14:6; 1Tim 4:3+
✠ **10:31:** Kol 3:17; 1Pe 4:11

³² Tana kakam ngar pizin Yuda, mi zin Grik ta tiurla som na, mi lupnana ki Anutu tomini. Kokena kakam mbulu sa ta irao pa ngar kizin som, to kapakaala zin pa Krisi, som kakam zin ma titop.✧

³³ Kakam kembei ta nio i. Nio ankam ngar pa ituŋ som. Ingi anptomtoombo be ankam mbulu ta irao pa wal ta boozomen lelen ma ngar kizin. Pa leleŋ be Anutu ikamke zin. Tana anso ankam mbulu tabe iuulu zin.✧

11

¹ Tana koto yo pa mbulu tio, kembei ta nio anjtoto Krisi pa mbulu kini. ✧

Zin moori bela tiurpe rungun ma irao tomtom matan

² Nio anpakur yom pa mbulu tiom ta motoyom ingalngal sua tio ta boozomen. Sua tana, munŋu tikam pio. Mi nio kadoono ankam piom, ta kikiskis men na. ✧

³ Tamen leleŋ be niom kuute kat ta kembei: Krisi ta iwe uteene pa tomooto ta boozomen. Mi zin tomooto ta tiwe kusin bizin uten. Mi Anutu ta iwe uteene pa Krisi. ✧

⁴ Tomooto boozomen ta sombe tipakaala uten ruunu pa koron sa, mi tisun, som tiwe kembei Anutu kwoono be tiso kalŋaana pizin tomtom na, tipamian Krisi ta iwe uteene pizin na.

⁵ Mi moori boozomen ta sombe tipakaala uten ruunu som, mi tisun, som tiwe kembei Anutu kwoono be tiso kalŋaana pizin tomtom na, zin

✧ **10:32:** Ro 14:13+; 1Kor 8:13; 2Kor 6:3 ✧ **10:33:** Ro 15:2; 1Kor 9:19+ ✧ **11:1:** 1Kor 4:16+; Pil 3:17; 2Tes 3:7+ ✧ **11:2:** 2Tes 2:15; 2Tim 1:13+ ✧ **11:3:** Un 3:16; 1Kor 15:27+; Ep 5:23; 1Pe 3:1,5+

tomini tipamianj kusin bizin ta tiwe uten na. *
Moori ta kembei na, zin raraate kembei zin moori
sananjana ta tomtom tipup uten ruunu ma isu lene
lup bekena tipamianj zin.

⁶ Tana sombe moori sa izooro mi leleene be
ipakaala uteene som, na ambai be tipup uteene
ruunu ma isu lene lup. Mi sombe moori sa ka
mianj be tipup uteene ruunu, na mataana ingal be
ipakaala uteene.

⁷ Tana tomooto, ni irao ipakaala uteene pepe. Pa
ni iswe Anutu runguunu, mi imbot be iwit Anutu
uruunu. Mi moori ta kembena. Sombe mbulu kini
ambai, nako ikam ma waene uruunu ambai. ☆

⁸ Kere. Tomooto mataana kana iyooto pa moori
som. Moori ta iyooto pa tomooto.

⁹ Pa Anutu iur tomooto mungu, mana iur moori
be iwe le gaabanjana. ☆

¹⁰ Tana zin moori bela len nger pizin anjela, mi
tipakaala uten. Naso tikam kat mbulu.

¹¹ Tamen iti moori ma tomooto ta tesekap la
ki Kresi na, irao tombot ndelndelja na som. Zin
moori len uraata pizin tomooto, mi zin tomooto ta
kembena. Len uraata pizin moori.

¹² Kakam ngar pa Adam mi Eba. Mata popoten
moori iyooto pa tomooto. Mi koozi na, tomooto
tiyotyooto pizin moori. Mi Anutu itunu ta iwe
uunu nonono mi ipiyotyooto koronj ta boozomen.

* **11:5:** Zin ngarjan pakan tisombe sua ti ka uunu ta kembei: Zin
moori ta tipakaala uten som mi tizunzunj na, tipamianj zitun, som
tipamianj kusin bizin. Pa kar Korin ngar kizin ta kembei: Sombe
moori sa ipakaala uteene som, na ni moori naikikijana. ☆ **11:7:**
Un 1:26+ ☆ **11:9:** Un 2:18+; 1Tim 2:13

13 Niom ituyom kitiiri. Sombe moori sa ipakaala uteene som, mi isun pa Anutu lela lupɲana tiom, ko ambai?

14 Mi itundu mbulu kiti ipaute iti pa koron taingɪ tomɪni. Sombe tomooto sa uteene ruunu biibi, ina ipamianɪ.

15 Mi sombe moori sa uteene ruunu biibi, ina ikami ma niini ise. Pa ikam ma kaibiim kini ipet. Uteene ruunu biibi tana, ina Anutu itunu ikam pini bekana ipakaala uteene.

16 Sua tio ti, sombe tomtom sa izooro pa, na pekelnana tio ta kembei: Niamɲan lupɲana ta boozomen ki Anutu amtoto mbulu tamen ta ti.

Zin Korin tipasaana mbulu ki Pasa

17 Ayo, inɲi be anɲazal yom pa mbulu tiom pakan. Irao anɲakur yom na som. Ko anɲaamba yom. Pa sombe kuluplup yom pa sunɲana, na iuluulu yom som. Ipasansaana yom.

18 Sua tio mataana kana ta kembei: Nio anɲen uruyom kembei niom, sombe kulup yom pa kini kannana mi sunɲana, na kaparyapalpaala yom ma kewe uunu boozo, mi kombotmbot ndelndelɲa. Sua tana, nio anɲo ko nɲono. ✧

19 Mbulu tiom ta kaparyapalpaala yom, ina ambai som. Mi tongo. Kakam lak! Naso tere kat: Zinɲoi ta urlanana kizin ambai pa Anutu mataana. ✧

20 Niom sombe kulup yom pa kini kannana mi sunɲana, na kini ta kakanan, ina kawatwaata be kini ki Merere. Mi som.

21 Pa kakam nɲar pa waeyom bizin mi kaparsa yom som. Kombotmbot ndelndelɲa, mi ituyam

tataŋa kakanan kini tiom tiom. Tana tomtom ta, ni ikan som mi peteli. Mi toro na, ni ikam ka kini biibi mi iwin ma ikankaana.

²² Parei, niom tina karao be kakan mi kiwin ila ruumu tiom som? Niom leleyom be kerepiili lupŋana ki Anutu mi kapamianŋ waeyom bizin ta len koronŋ som na? Ko anso parei piom? Anpakur yom pa mbulu tiom tana? Som kat! ✧

²³ Sua ta anŋkam la ki Merere, ta munŋu anŋkam piom na. Sua ta kembei: Indeenŋe mbenŋ ta Yudas iur Yesu ila ka koi bizin naman na, Yesu ikam narabu. ✧

²⁴ Mi ipakur Anutu pa, to itete mi iso: “Inŋi nio mozonŋ. Pa nio ko anŋkam muriyom mi anmeete piom. Kakam mbulu ti beken a motoyom inŋal yo.”

²⁵ Tikan kini makinŋ, to ikam mbulu raraate men pa mbooro. Itege mi iso: “Mbooro ti, inŋi sinŋ tio tabe ireere be ipiyooto zaala poponŋana tabe Anutu zinŋan zin tomtom tiparlup zin ma tiwe tamen. Gorgori ta niom sombe kiwin la mbooro ti, na kakam mbulu ti beken a motoyom inŋal yo.” ✧

²⁶ Yesu sua kini tana iso iti ta kembei: Gorgori ta niom sombe kakan narabu tana mi kiwin la mbooro tana, na kozzoyaryaara meetenŋana ki Merere uruunu ma irao miilinŋana kini. ✧

²⁷ Tana mazwaana ta sombe takan narabu mi tiwin la mbooro ki Merere, sombe tomtom sa ikam mbulu ta indeenŋe som, na iwe le uunu. Pa ina kembei ni ikam Merere mazaana mi sinŋiini ma iwe kembei koronŋ sorok.

✧ **11:22:** Yems 2:5+ ✧ **11:23:** Mt 26:26+; Mk 14:22+; Lu 22:17+

✧ **11:25:** Kam 24:3+; Lu 22:20+; Ibr 8:8+, 9:15+ ✧ **11:26:** Yo 14:3; Nŋo 1:11

²⁸ Tana tomtom tatanja bela titiiri zitun muᅅgu, tona tikan narabu mi tiwin la mbooro. ✧

²⁹ Pa iti ta tombot lela lupᅅana ki Kriᅅi na, tewe kembei Kriᅅi namaana, kumbuunu, mi koronᅅana ta boozomen. Mi wal ta tikamam ᅅoobo zin tonmatiziᅅ kizin ta ki Kriᅅi i na, tikilaala koronᅅ tana som. Wal ta kembei, sombe tikan Merere mazaana mi tiwin la mbooro na, tikam sorok. Tana Anutu ko iur kadoono pizin.

³⁰ Uunu tina ta tomtom tiom boozo mete ikamam zin ma mburan imap. Mi pakan na, timet-meete kek.

³¹ Mi be titiiri kat itundu muᅅgu, so Anutu iur kadoono piti som.

³² Tamen ni isombe iur kadoono piti mi ibalis ti, ina ambai. Pa ina, ni ikam bekena ipazal ti. Kokena izem ti ma tikiskis sanaana kiti, to mbeᅅ kaimer iur kat kadoono piti, mi itiᅅan iwal biibi ki toono tala lende. ✧

³³ Tana niom tonmatiziᅅ tio, sombe kulup yom pa sunᅅana mibe kakan kini ki Merere, na kasa waeyom bizin mi niom ta boozomen kakan raraate.

³⁴ Mi sombe tomtom sa peteli ma isaana, na ambai be ikan ka kini pataanja ta ruumu kini, mana ila pa lupᅅana. Kokena lupᅅana tiom isaana, to Anutu leleene ambai piom som, mi iur kadoono piom. Nio leᅅ sua pakan tabe aᅅsope yom pa, mi tonᅅo. Itun aᅅma, tona aᅅso.

12

Peeze ta ki Bubunana i

✧ **11:28:** 2Kor 13:5 ✧ **11:32:** Mbo 94:12+; 2Kor 7:10; Ibr 12:7+; Tur 3:19

¹ O niom tonmatiziŋ tio, nio leleŋ be kakam kat ŋgar pa uraata ta Bubunana ipombolmbol yom pa ma kakamam.

² Motoyom imiili pa mazwaana ta kuute Anutu som na. Indeeŋe tana, zin merere pakaamŋan ta tirao be tiso sua som na, tikamam peeze piom mi tiyaryaaru yom pa mbulu sananŋana.✧

³ Tana nio aŋso aŋpaute yom ta kembei: Tomtom ta sombe Bubunana ikamam peeze pini, na ni ko irao ipiri sua sananŋana pa Yesu na som. Mi tomini bela Bubunana ikamam peeze pa tomtom, to tomtom tana irao iso raama leleene ta kembei: “Yesu, ni Merere.”✧

Bubunana ipombolmbol iti be takam uraata mi mbulu matakiŋa

⁴ Anutu ipomoozo iti mi ipombolmbol ti ma takamam uraata mi mbulu matakiŋa ta ki Bubunana i. Mi Bubunana tamen ŋonoono ta ipeyei uraata mi mbulu tana.✧

⁵ Mi iti lende zaala matakiŋa be tembeeze pa Merere. Mi Merere tamen ŋonoono ta tembesm-beeze pini i.✧

⁶ Mi iti takamam uraata matakiŋa ta ki Anutu i. Mi Anutu tamen ŋonoono ta ipombolmbol ti, mi ikamam lende mburanda be takam uraata tana.

⁷ Bubunana, ni izzwe mburaana matakiŋa ma ikot iti tataŋa, bekeno tu'uulu lupŋana ki Krisi pa.✧

⁸ Tomtom ta na, Bubunana ipomboli ma imbot kat mat pa Anutu ŋgar kini, bekeno iso zin tomtom

✧ **12:2:** Mbo 115:5+; 1Kor 6:11; Ep 2:11+; 1Tes 1:9 ✧ **12:3:**

Mt 16:17; 1Yo 4:2+ ✧ **12:4:** Ro 12:6+; Ep 4:4; Ibr 2:4; 1Pe 4:10

✧ **12:5:** Ep 4:11 ✧ **12:7:** 1Kor 14:26; Ep 4:12; 1Pe 4:10+

pa. Mi tomtom toro na, Bubunana tamen ta ikam le ngar pa koron pakan, bekena iso zin tomtom pa.

⁹ To tomtom toro na, Bubunana tamen ta ipomboli ma le urlanana biibi. Mi tomtom toro na, Bubunana tamen ta ipomoozi mi ikam le mburaana be iurpe zin metenjan ma nin ndabok.✧

¹⁰ Mi tomtom toro na, Bubunana ikam le mburaana be itooro mos pakan. Mi tomtom toro na, Bubunana ipomboli ma iwe kembei Anutu kwoono be iso kalnana pizin tomtom. Mi tomtom toro na, Bubunana ipomboli ma irao ikilaala mbulu ta iwedet i: Imar pa Anutu Bubunana, som imar pizin bubunan sananjan? To tomtom toro na, Bubunana ikami ma iso sua pakaukanana ta tomtom tilej mi tikam ngar pa som. Mi tomtom toro na, Bubunana ipomboli ma irao itooro sua tana, bekena tomtom tilej mi tikam ngar pa.✧

¹¹ Mbulu ta boozomen tana, ina imar pa Bubunana tamen tau. Ni itoto itunu leleene mi ipeyei mbulu ta munjana men tana ma ikot iti tomtom tataja. Tomtom ta ikam mbulu ta, toro ikam mbulu toro.✧

Krisi tamen, mi ni koronjanjan boozo

¹² Iti tuute: Tomtom ta, ni koronjanjan boozo. Namaana, kumbuunu, mataana, ma. Mi koronjana ta boozomen tana ilup ma iwe tomtom tamen. Ina raraate pa Krisi wal kini.✧

¹³ Pa iti ta boozomen takam Bubunana tamen. Mi Bubunana tana isalakaala iti, mi ilup ti ma

✧ **12:9:** Mk 16:17+; 1Kor 13:2; Yems 5:14 ✧ **12:10:** Ngo 2:4; Ro 12:6; 1Kor 14:5; 1Yo 4:1 ✧ **12:11:** Ro 12:3+; 1Kor 7:7; Ibr 2:4 ✧ **12:12:** Ro 12:4+; 1Kor 10:17; Ep 4:4-16

tewe kembei ta tomtom tamen. Iti Yuda, mi Grik, mi mbesooŋo, mi zin wal pakan ta tiwe mbesooŋo som mi timboro zitun na tomini. Tana Anutu ikam Bubunana tamen ŋonoono piti ta boozomen. Bubunana tana, ina kembei ta yok mata yaryaaranana. Pa ipombolmbol ti, mi iparyaara iti.✧

¹⁴ Iti tuute: Tomtom, ni koronŋana tamen som. Ni koronŋanŋan boozo. Ina kembei iti. Pa Bubunana ipombolmbol ti ma takamam uraata mi mbulu matakiŋa beken a tu'uulu lupŋana ki Kriŋi.

¹⁵ Kere. Sombe tomtom kumbuunu ikam ngar ma iso: “A, nio ti aŋso aŋwe tomtom ti namaana, to ambai. Mi som. Tana ko aŋmet mi aŋla aŋbot ndel.” Ko sua kini tana ikami ma izem muriini, mi ila imbot ndel pa tomtom tana? Som.

¹⁶ Mi talŋaana ta kembena. Sombe iso: “A, nio ti aŋso aŋwe tomtom ti mataana, to ambai. Mi som. Tana ko aŋmet mi aŋla aŋbot ndel.” Ko sua kini tana ikami ma izem muriini, mi ila imbot ndel pa tomtom tana? Som.

¹⁷ Mi parei? Sombe tomtom sa koronŋana ta boozomen titooro zin ma tiwe tomtom tana mataana men, ko ni irao be ileŋ sua? Som. Mi sombe koronŋana ta boozomen titooro zin ma tiwe talŋaana men, ko tomtom tana irao be iyoozo? Na som.

¹⁸ Mi Anutu, ni ikamam ta kembei som. Ni ito itunu leleene, mi iur iti tomtom koronŋanda ta boozomen ma timbot la murinmurin be tikam uraata kizin kizin.✧

✧ **12:13:** Yo 6:63; Ro 10:12; Ga 3:28; Kol 3:11 ✧ **12:18:** Ro 12:3; 1Kor 3:5

¹⁹ Tamen sombe koronɔɔanda ta boozomen titooro zin ma tiwe koronɔɔanda tamen sa, inako parei? Ko tombot ambai? Som.

²⁰ Pa bela tomtom koronɔɔana ta boozomen tilup mi tikam uraata kizin kizin, to tomtom tana imbot ambai. Mi ina raraate men piti. Pa Bubunana ipombolmbol ti ma takamam uraata mi mbulu matakina bekena tu'uulu lupɔɔana ki Krisi ma imbot ambai.

²¹ Tana tomtom mataana irao irepiili namaana ma iso: "Aiss, nu rao uulu yo na som." Mi uteene ta kembena. Irao iso sua ta kembei pa kumbuunu na som.

²² Kakam ngar pa koronɔɔanda pakan ta timbot la lelende i. Nonono, koronɔɔ tana timbol som. Tamen tikamam uraata biibi piti. Sombe timbot som, inako temetmeete.

²³ Mi koronɔɔanda pakan ta tere kembei ambai pe som mi kanda mianɔɔ pa, ina kembei tapakur zin. Pa matanda ingalɔɔal kat be tapakaala zin.

²⁴ Mi koronɔɔanda pakan ta tere kembei ambaimbainan na, takamam mbulu ta kembei pizin som. Timbotmbot mat men. Anutu itunu ta iur koronɔɔanda matakina, mi ilup zin ma tiwe tomtom tamen. Mi ipakur koronɔɔanda pakan ta tere zin kembei ambai pe som na, ma ilip pa koronɔɔanda pakan.

²⁵ Pa ni leleene be koronɔɔanda timbot ndelndelɔɔ pepe, mibe tilup ma tiwe tamen, mi lelen par pizin mi tiparuulu zin.

²⁶ Iti tuute: Sombe koronɔɔanda sa ire yoyouɔɔana, inako koronɔɔanda ta boozomen tire yoyouɔɔana. Mi sombe tipakur koronɔɔanda sa, nako koronɔɔanda ta boozomen menmeen zin tomini.

27 Lupņana tiom, ta iwe kembei Kriſi itunu. Mi tomtom tiom tataņa na, kewe kembei Kriſi koronņanņan. Pa kakamam uraata mi mbulu matakiņa bekenā kopombol lupņana tiom tana.✠

28 Takam ņgar pa lupņana ki Kriſi. Anutu iur zin ņgoņana ma tiwe mataana pa, to zin wal ta tiwe kembei ni kwoono be tiso kalņaana pizin tomtom. Mi iwe tel pa na, zin wal ta tipaute zin tomtom pa Anutu ņgar kini. To zin wal ta titortooro mos, mi zin wal ta ni ipomoozo zin mi ikam len mburan be tiurpe zin metenņan, mi zin wal ta tiuluulu zin tomtom, mi zin wal ta len ņgar ambaiņana be tikam peeze pa uraata, mi zin wal ta Bubunņana ipombol zin ma tirao be tiso sua pakaukaunņana ta tomtom tirao be tikam ņgar pa som na.✠

29 Parei? Wal ta boozomen tiwe ņgoņana? Som wal ta boozomen tiwe kembei Anutu kwoono be tiso kalņaana pizin tomtom? Som wal ta boozomen tirao be tipaute zin tomtom? Som wal ta boozomen tirao be titooro mos?

30 Som ni ipomoozo wal ta boozomen ma tirao be tiurpe zin metenņan? Som wal ta boozomen tirao be tiso sua pakaukaunņana ta tomtom tikam ņgar pa som na? Som wal ta boozomen tirao be titooro sua ta kembei? Som.

31 Tana Anutu ipomoozo iti mi ipombol ti be takam uraata mi mbulu matakiņa ta ki Bubunņana i. Mi niom kozo kakam kinkiini pa uraata mi mbulu ta ambaimbaiņan ma ilip. Mi iņgi be aņso yom pa zaala ta ambaiņana kat.✠

✠ **12:27:** Ro 12:5; Ep 1:23, 5:30; Kol 1:24 ✠ **12:28:** Nģo 13:1; Ro 12:6+; Ep 2:20, 4:11+ ✠ **12:31:** 1Kor 14:1

13

Mbulu ki lelende par piti, ina ilip pa uraata mi mbulu boozomen ta ki Bubujana i

¹ Nio sombe anrao be anso sua ila karkari kaljan, som zin anjela kaljan, mi tamen anjur lelej pizin tomtom som, na nio kembei konj ta itantanj sorok, som kombom ta tizze sorok.

² Mi sombe anjwe kembei Anutu kwoono be anso kaljaana pizin tomtom, mi anjute ngar kini turkenjan ta munjaana men, mi anjam ngar ta boozomen ma imap, mi urlajana tio biibi kat mi anrao anso pa abal boozomen ma tila len, mi tamen anjur lelej pizin tomtom som, na nio koronj sorok. ☆

³ Mi sombe anjai koronj tio ta boozomen pizin wal sorrokjan, mi anjem itunj ila tomtom naman be tineene yo pa you, mi tamen anjur lelej pizin tomtom som, ina tomini irao iuulu yo risa som. ☆

⁴ Iti sombe tuur lelende pizin tomtom, nako takampewe zin. Mi sombe tikam patajana piti, nako ketende malmal som, mi tabaada men. Mi sombe tuur lelende pizin tomtom, nako matanda mburmbur pizin som, mi tapakurkur itundu ma toso tilip pizin som. ☆

⁵ Mi takam njoobo zin som, mi takam ngar pa itundu men som. Mi ko lonja ketende malmal pizin som, mi matanda ingalngal sanaana kizin som. ☆

⁶ Sombe tuur lelende pizin tomtom, mi patajana sa isombe indeenje zin, nako menmeen ti pa

☆ **13:2:** Mt 17:20; 1Kor 12:8+, 12:28 ☆ **13:3:** Mt 6:2 ☆ **13:4:** 1Pe 4:8 ☆ **13:5:** Ro 13:10; 1Kor 10:24,33; Pil 2:4

pataņana kizin som. Mi ko lelende ambai pa sua ma mbulu ŋonoono. ✧

⁷ Mi mazwaana ta boozomen, sombe tomtom tikam ŋoobo iti, nako tokototo itundu mi tabaada men. Mi ko takam ŋgar ambaiņana men pizin tomtom, mi tuur matanda pa Anutu be ikampe zin. Mi mbulu pareiņana ta so ipet piti, nako tu'urur lelende pizin men. ✧

⁸ Mbulu ki tuur lelende pizin tomtom, ina irao imap na som. Tamen mbulu ki tewe kembei Anutu kwoono be toso kalņaana pizin tomtom, nako imap. Mi mbulu ta Bubunana ipombol iti ma toso sua pakaukaunana ta tomtom tikam ŋgar pa som, inako imap. Mi mbulu ta Bubunana izzwe Anutu ŋgar kini piti, ina tomini ko imap.

⁹ Pa iti takam kat ŋgar zen. Takam supurpuuru men. Mi mbulu ki tewe kembei Anutu kwoono mi toso kalņaana pizin tomtom, ina tomini takam supurpuuru men. ✧

¹⁰ Mi talala ma koronj ambai komboono iso ipet, tona mbulu boozomen ta takamam supurpuuru men na, ko timap. ✧

¹¹ Munġu indeeņe ta nio pikin na, sua tio, leleņ, mi ŋgar tio kembei ta zin pikin i. Mi iņgi aņwe kolman kek. Tana aņmap pa mbulu kizin pikin. ✧

¹² Koozi tere koronj saamba kan kunun men, kembei tomtom ta itiiri itunu ila yok. Tamen kaimer ko tere kat. Koozi nio aņkam supurpuuru

✧ **13:6:** Mbo 15:2+; Ro 1:32, 12:9; 1Pe 1:22; 2Yo 4 ✧ **13:7:** Ro 15:1; Ga 6:2; 2Tim 2:24; 1Pe 4:8 ✧ **13:9:** 1Kor 8:2+ ✧ **13:10:** Ep 4:13; Pil 3:12 ✧ **13:11:** 1Kor 3:1

ngar. Mi kaimer to anjute kat, kembei ta Anutu iute kat yo. ☆

¹³ Tana koozi mbulu bibip tel ta timbotmbot i: urlañana, mbulu ki tuur matanda pa koronj nd-abokñana tabe Anutu ikam piti i, mi mbulu ki tuur lelende pizin tomtom. Mi mbulu ki tuur lelende pizin tomtom, ta ambairñana ma ilip pa mbulu tel tina. ☆

14

Mbulu ki tewe kembei Anutu kwoono mi toso kalñaana pizin tomtom, ina ilip pa mbulu ki toso sua ta tomtom tikam ngar pa som

¹ Tana kakam toto mbulu ki lelende par piti, mi koronj boozomen ta imar pa Bubunñana i. Mi koronj kini tabe kakam kinkiini pa kati, ina mbulu ki tewe kembei Anutu kwoono mi toso kalñaana pizin tomtom ila sua ta tirao be tileñ mi tikam ngar pa.

² Pa tomtom ta sombe Bubunñana ipomboli ma iso sua pakaukauñana ta tomtom tirao be tikam ngar pa som na, ni izzo sua pizin tomtom som. Ina ni izzo sua turkeñana pa Anutu tau. Tana tomtom tileñ mi tikam ngar pa som. ☆

³ Mi wal ta so Bubunñana ipombol zin ma tiwe kembei Anutu kwoono be tiso kalñaana pizin tomtom, ina tipombol zin tomtom, mi tiuulu ngar kizin, mi tipotor lelen. Pa sua ta tiso, ina tomtom tirao be tileñ mi tikam ngar pa.

⁴ Tana tomtom ta sombe Bubunñana ipomboli ma iso sua pakaukauñana ta tomtom tirao be tikam

☆ **13:12:** Mbo 17:15; 2Kor 3:18, 5:7; 1Yo 3:2; Tur 22:4 ☆ **13:13:** Kol 1:4+; 1Tes 1:3, 5:8; 1Yo 4:16 ☆ **14:2:** Njgo 10:46

ngar pa som na, ni ipombol itunu men. Mi tomtom ta so iwe kembei Anutu kwoono, mi iso kalɲaana pizin tomtom ila sua ta tirao be tileŋ mi tikam ngar pa na, ni ipombol lupɲana ki Kriŋi.

⁵ Nio leleŋ be Bubunana ikam yom ta boozomen ma koso sua pakaukaunana. Mi leleŋ ilip kat be kewe kembei Anutu kwoono mi koso kalɲaana pizin tomtom ila sua ta tirao be tileŋ mi tikam ngar pa. Pa tomtom ta sombe iso sua pakaukaunana na, bela itooro sua tana ila tomtom zitun kalɲan, to ambai. Mi so som, na tomtom ta so iwe kembei Anutu kwoono mi iso kalɲaana pizin tomtom ila sua ta tirao be tileŋ mi tikam ngar pa na, uraata kini ambai ma ilip. Paso, ipombol lupɲana ki Kriŋi.✧

⁶ O niom tonmatiziŋ tio, sombe aɲma mi aɲso sua pakaukaunana ta karao be kakam ngar pa som, inako aɲuulu yom be parei? Som. Pa bela aɲso sua pa koron pakan ta Anutu iswe mar tio, som aɲpaute yom pa ngar pakan, som aɲwe kembei Anutu kwoono mi aɲso kalɲaana piom ila sua ta niom karao be kelen mi kakam ngar pa, to aɲuulu yom.

⁷ Kakam ngar pa koron pakan ta kalaɲan som mi titaɲtaɲ na, kembei ta kombom mi mamaaza. Sombe titaɲ kat som, inako tomtom tiute mboe ka nger be parei?

⁸ Mi twiiri ta tiwi be tiboobo zin tomtom pa malmal na, ta kembena. Sombe itaɲ kat som, nako tomtom tiurpe zin pa malmal be parei?

⁹ Ina raraate piom. Sombe koso sua ta tomtom tirao be tileŋ som, nako tikam ngar pa be parei?

✧ 14:5: Nam 11:26,29

Som. Sua tiom tana ko iwe miiri men.

¹⁰ Nonoono, tomtom ta timbot su toono na, tizzo kalɲan ndelndelɲa. Mi sombe tileɲ sua ila zitun kalɲan, na tikam kat ɲgar pa ka uunu.

¹¹ Tamen sombe tomtom sa izzo sua mi nio aɲute kalɲaana som, nako niamru amparre yam kembei wal ndelndelɲa.

¹² Niom tina kakam kinkiini pa uraata mi mbulu matakiɲa ta ki Bubunana i. Ina ambai. Mi kakam kinkiini kat pa uraata mi mbulu kini ta ipombolmbol lupɲana ki Krisi na.

¹³ Tana tomtom ta so Bubunana ipomboli ma iso sua pakaukaunana ta tomtom tikam ɲgar pa som na, bela isun pa Anutu be iuuli ma irao itooro sua tana ila tomtom zitun kalɲan. Naso tileɲ mi tikam kat ɲgar pa.

¹⁴ Nio sombe Bubunana ipombol yo ma aɲkam sunɲana tio ila sua pakaukaunana, ina Bubunana ta imbot la leleɲ i ta izzo sua tana. Mi ɲgar tio na ikam som.

¹⁵ Tana ko aɲkam parei? Bubunana ta imbot la leleɲ i ko isun, mi ko aɲsun raama ɲgar tio tomini. Mi Bubunana ta imbot la leleɲ i ko imbo mboe pakunɲana pa Merere, mi ko aɲbo raama ɲgar tio tomini.✧

¹⁶ Re. Sombe Bubunana ta imbot la lelem i izunzun mi ipakurkur Anutu, mi sombe tomtom toro ta ni ikankaana pa sua ku na imbot raama yom, inako ni irao iyok pa sua ku tana mi iso “nonoono” be parei? Som. Pa sua ta zzo i, ni ikam ɲgar pa som.

✧ 14:15: Mbo 136:1; Ep 5:19; Kol 3:16

17 Nonoono, nu zzo sua ambaijana mi pakurkur Anutu. Tamen sua ku ipombol tomtom tana som.

18 Nio lelej ambai pa Anutu mi anpakuri paso, anlip pa niom ta boozomen pa mbulu ki takam sunjana ila sua pakaukaunana.

19 Tamen sombe niamjan Anutu wal kini amlup yam pa sunjana, na lelej be anso sua ta tomtom ta boozomen tirao be tilej mi tikam ngar pa. Sombe anso sua lamata men ta tomtom tirao be tikam ngar pa, ina ambai ma ilip pa sua munjaana ma munjaana kat (10,000) ta tomtom tirao be tikam ngar pa som na.

20 Niom tonmatizij tio, kakam ngar kembei zin pikin ndabok. Nonoono, koroj sananjan na, niom sombe kakam ngar pa som kembei ta zin pikin i, ina ambai. Tamen koroj ambaimbajan, to kakam kat ngar pa, kembei ta zin kolman.*

21 Sua ki Anutu iso ta kembei: Munju indeenje Merere keteene malmal pizin Israel na, ikam sua pizin ma iso:

Nio ko ankam lele pakaana toro ka tomtom bizin ta kaljan ndeljan na, ma timar. Mi zin ko tiwe kwonj mi tiso kaljonj pizin wal tio ti. Tamen kaljonj tabe wal tana tiso i, na wal ti ko tilej la som.*

22 Tana mbulu ki toso sua pakaukaunana ta tomtom tirao be tikam ngar pa som, inabe ipei ngar pizin wal urlanjan som. Mi sombe zin wal ta tiurla som na tilej sua ta kembei, ina ikam zin ma tikankaana. Tana iswe zin kembei tiwe Anutu

* 14:20: Mt 18:3; Ro 16:19+; 1Kor 3:1; Ep 4:14+; Ibr 5:12+

* 14:21: Yesa 28:11+

lene zen, mi kete malmalɲana kini imbotmbot men se kizin. Mi mbulu ki tewe kembei Anutu kwoono bizin mi toso kalɲaana pizin tomtom, ina iwe kilalan pizin wal urlaɲan kembei Anutu imbotmbot la mazwan. Mi zin wal ta tiurla som, na som.

²³⁻²⁴ Tana kere yom. Sombe kulup yom pa sunɲana, mi niom ta boozomen kozzo sua pakaukaunɲana ta tomtom tirao be tikam ngar pa som na, mi sombe wal pakan ta tiurla som mi tikankaana pa Anutu na, tilela mi tigaaba yom pa sunɲana tiom, inako tire mi tiso niom kankaanaɲoyom kat! Tamen sombe tomtom ta kembena ilela mi ileɲ tomtom boozomen ta tiwe kembei Anutu kwoono mi tizzo kalɲaana ila sua ta ni irao be ikam ngar pa, inako ipei ngar kini ma ikilaala sanaana kini mi kadoono tabe Anutu ikam pini i.✧

²⁵ Pa ni ko iyamaana kembei ngar kini turkenɲan ta imbot la leleene i, ina tiswe ma imbot mat lup kek. Tana ko itop su toono, mi ipakur Anutu ma iso: “Nɔnoono kat, Anutu imbotmbot la mazwoyom.”✧

Mbulu pakan tabe takam, to sunɲana iloondo ambai

²⁶ Tana niom toɲmatiziɲ tio, ko toso parei? Sombe kulup yom pa sunɲana, na niom tataɲa kakam uraata ikot yom. Tomtom ta, imbo mboe. Mi toro na, ni ipaute yom pa sua ki Anutu. Mi toro, ni iso yom pa koronɲ pakan ta Anutu iswe pini na. Mi toro, ni iso sua pakaukaunɲana ta tomtom tirao be tikam ngar pa som na, som itoro sua

✧ **14:23-24:** Yo 16:8; Ngo 2:13 ✧ **14:25:** Yo 4:19

ta kembena ila niom kalŋoyom bekena kelenj mi kakam ŋgar pa. Mi mbulu boozomen ta so kakam, na kakam bekena kopombol lupŋana ki Kriŋi.✠

27 Zin wal ta so Bubunjana ipombol zin ma tiso sua pakaukaunjana na, sombe wal ru, som tel sa tiso, ina irao. Mi sombe koso sua, na niom ta boozomen kamaŋga raraate pepe. Tomtom ta iso sua kini ma imap, tona toro irao iso sua kini. Mi bela tomtom sa itooro sua kizin. Naso tomtom tilenj mi tikam ŋgar pa.

28 Mi sombe tomtom sa irao be itooro sua kizin som, na tiso ma kalŋan biibi lela lupŋana ki Kriŋi pepe. Timbot mi tisunj pa Anutu la lelen men.

29 Mi zin wal ta tiwe kembei Anutu kwoono be tiso kalŋaana pizin tomtom na, ta kembena. Wal ru, som tel sa tiso sua kizin, to tomtom pakan bela titiiri sua kizin. Ito Anutu ŋgar kini, som som?✠

30 Mi sombe tomtom sa izzo sua, mi Anutu iswe koronj sa pa tomtom toro ta mbuleene isu ma imbotmbot, na bela tomtom mataana kana imbot munju, mi tomtom toro tana iso sua kini.

31 Tana niom wal ta so kewe kembei Anutu kwoono mi koso kalŋaana pizin tomtom na, bela kakam ta kembei: Tomtom ta, iso sua kini ma imap, tona tomtom toro iso sua kini. Naso tipaute tomtom ta boozomen mi tipombol zin.

32 Pa Bubunjana isombe izeebe tomtom sa ma iwe kembei Anutu kwoono be iso kalŋaana pizin tomtom, na tomtom tana irao iyaraama itunu ma imbot, mi tomtom toro iposop sua kini munju. Tona ni kadoono iso sua.

✠ 14:26: Ro 14:19; 1Kor 12:7+; Ep 4:12 ✠ 14:29: Nŋo 17:11; 1Tes 5:20+; 1Yo 4:1

³³ Pa Anutu, ni leleene be uraata kini iloondo ambai men. Kokena tomtom tiyo orooro pa sua kini. Mi ni leleene be tombot la mbulu luumuᵇana men. Anutu wal kini potomuᵇan ta boozomen tikamam mbulu ta kembei lela lupᵇana kizin.

³⁴ Niom sombe kulup yom pa suᵇᵇana, na zin moori bela timaane men. Irao tiso sua pepe. Bela tikoto zitun kembei ta tutu iso na.✧

³⁵ Mi sombe len wiᵇana pakan, na tila ruumu kizin to tiwi kusin bizin. Pa sombe moori sa iso sua ilela lupᵇana, na tere kembei ambai som.

³⁶ Mi niom ta koso kozooro la kalᵇoᵇ na, parei? Sua ki Anutu ipet tiom muᵇgu, mana ila pizin karkari? Som niom men ta kakam sua ki Anutu?

³⁷ Sombe tomtom sa iso iwe Anutu kwoono be iso kalᵇaana pizin tomtom, som indemeere kembei Bubᵇana ikamam peeze pini, na ni irao iyok pa sua ta aᵇbeede piom i, mi ikilaala kembei ina Merere tutu kini.✧

³⁸ Mi sombe tomtom sa itit sua tio ti, na ni tomini Anutu ko ititi.

³⁹ Tana niom toᵇmatiziᵇ tio, kakam kinkiini pa mbulu ki tewe kembei Anutu kwoono mi toso kalᵇaana pizin tomtom ila sua ta tirao be tilen mi tikam ᵇgar pa. Mi zin wal ta so Bubᵇana ipombol zin ma tiso sua pakaukaᵇana ta tomtom tirao be tikam ᵇgar pa som na, kepeteke zin pepe.✧

⁴⁰ Mi sombe kulup yom pa suᵇᵇana, na kakam kat mbulu. Naso suᵇᵇana tiom iloondo ambai men mi indeeᵇe.✧

✧ **14:34:** 1Kor 10:32; 1Tes 5:23; 1Tim 2:11+ ✧ **14:37:** 2Kor 10:7; 1Yo 4:6 ✧ **14:39:** 1Kor 12:31; 1Tes 5:20 ✧ **14:40:** 1Kor 14:33; Kol 2:5

15

Krisi imeete mi iman̄ga pa naala kek

¹⁻² O niom toŋmatizin̄ tio, nio an̄so an̄pei n̄gar tiom mini pa uruunu ambain̄ana ta an̄soyaara piom ma kakan la kek na. Uruunu ambain̄ana tina, ta koozi kemendernder se, mi iwe zaala piom be Anutu ikamke yom. Tamen niom bela kikiskis sua ta muŋgu an̄soyaara piom na. Kokena kezem, to urlan̄ana tiom iur ŋonoono som.✠

³ Sua biibi kat ta muŋgu tikam pio, mi nio an̄kam piom ma kelen̄ kek, ina ta kembei: Krisi, ni ikam murindi mi imeete pa sanaana kiti, kembei ta sua ki Merere iso na.✠

⁴ Mi titwi i ma ka aigule iwe tel pa, to Anutu ipei i ma iman̄ga pa naala. Ina tomini ito sua ta imbot pataaŋa kek na.✠

⁵ Mi Petrus ire kati muŋgu, to nan̄gan̄ kini pakan tire i.✠

⁶ To aigule ta na, ipet kizin toŋmatizin̄ kiti 500 mi kwoono, mi tire i lup. Wal tana, kizin boozomen ta timbotmbot men i. Mi tomtom kizin tataŋa, na ra, timetmeete kek.

⁷ To ni ipet ki Yems, mana ipet kizin ŋoŋana ta boozomen.✠

⁸ Mi ta imap pa na, ipet tio tomini mi an̄re kati. Ŋonoono, zaala ta an̄we ŋoŋana pa i, ina ipa ndel pa zaala kizin ŋoŋana pakan.✠

✠ **15:1-2:** Ro 1:16+; 1Kor 3:5+; Ga 1:11+, 3:4 ✠ **15:3:** Yesa 53:5+; Ga 1:4,12; 1Pe 2:24 ✠ **15:4:** Mbo 16:8+; Lu 24:26,46 ✠ **15:5:** Mk 16:14; Lu 24:34+; Yo 20:19 ✠ **15:7:** N̄go 1:3+ ✠ **15:8:** N̄go 9:3+; 1Kor 9:1

⁹ Nio anķemer kat pizin nķoņana ki Kriſi. Mi nio ambainoņ be zoņ pa uraata ki nķoņana na som. Pa muņgu anķeseeze Anutu wal kini matan.✠

¹⁰ Mi kampeņana ki Anutu, ta itooro yo ma anķwe kembei. Mi kampeņana kini tana iwe koroņ sorok som. Iur űonoono. Pa nio anķbel uraata ma anķlip pizin nķoņana pakan. Mi nio som. Kampeņana ki Anutu, ta imbotmbot raama yo mi ipombolmbol yo ma anķkamam uraata.✠

¹¹ Tana nio, som nķoņana pakan, sombe amkam sua pizin tomtom, na amzzo sua ta tina. Mi ina sua ta muņgu keloņ mi kuurla na.

Anutu ko ipei zin wal urlaņan ma timaņga mini pa naala

¹² Gorgori na, amzzoyaryaara sua ta kembei: “Anutu ipei Kriſi ma imaņga pa naala kek.” Kena parei ta tomtom tiom pakan tizzo sua kankaanaņana ma tiso zin meeteņan tirao be timaņga mini som?

¹³ Kere. Sombe sua kizin tana űonoono, mi zin meeteņan tirao be timaņga mini som, na Kriſi tomini, Anutu ipei i ma imaņga som.

¹⁴ Mi sombe Anutu ipei Kriſi ma imaņga som, na sua ta amkamam pizin tomtom, ina koroņ sorok. Mi urlaņana tiom ta kembena. Ina koroņ sorok.

¹⁵ Mi tina men som. Sombe Kriſi imaņga pa naala som, na niam taiņgi wal pakamkaamņoyam. Paso, ampombolmbol sorok sua pakaamņana pa Anutu, mi amzzo ni ipei Kriſi ma imaņga pa naala kek. Tamen sombe sua tiom tana űonoono, mi

✠ **15:9:** Nķo 8:3, 9:1; Ga 1:13; Ep 3:8; 1Tim 1:13+ ✠ **15:10:** Ro 15:18+; 1Kor 3:10; 2Kor 11:5,23; Pil 2:13

zin meeteŋan tirao be timaŋga mini som, na Kriŋi tomini, Anutu ipei i ma imaŋga som.✧

16 Anso mini. Sombe zin meeteŋan tirao be timaŋga mini som, na Kriŋi tomini, Anutu ipei i ma imaŋga som.✧

17 Mi sombe Anutu ipei Kriŋi ma imaŋga som, na urlaŋana tiom koronj sorok, mi niom kombotmbot men raama sanaana tiom.

18 Mi zin wal ta tiurla ki Kriŋi mi timetmeete na, zin tomini tila len kek.✧

19 Iti tu'urur matanda pa maŋgaŋana kizin wal meeteŋan mi mbotŋana ki kar saamba tabe Kriŋi ikam piti i. Tamen sombe mbotŋana tana koronj ŋonoono som, mi urlaŋana kiti iuluulu iti pa mbotŋana kiti ta ki toono men, na ra, tembel ti kek. Wal ta boozomen ko lelen isaana piti ma ilip kat.

20 Tamen som! Pa Anutu ipei Kriŋi ma imaŋga pa naala kek. Ni ta iwe mataana pizin wal meeteŋan tabe timaŋga pa mberj kaimer i.✧

21 Kere. Muŋgu tomtom tamen ta iwe zaala pa meeteŋana ma ipet. Mi ina raraate pa maŋgaŋana kizin wal meeteŋan. Tomtom tamen ta iwe zaala pa.✧

22 Koozi, tere iti tomtom ta toyooto pa Adam na, tamap ma temetmeete. Mi zin wal ta tisekap la ki Kriŋi i, na kaimer Anutu ko ipei zin ta boozomen ma timap timaŋga matan yaryaara.

23 Tamen tomtom ta boozomen bela tito nol kizin kizin. Kriŋi imaŋga muŋgu. Pa ni ta iwe

✧ **15:15:** Nŋo 2:24,32+, 4:33, 5:32, 13:30 ✧ **15:16:** Ro 8:11; 1Tes 4:14 ✧ **15:18:** 1Tes 4:14 ✧ **15:20:** Nŋo 26:23; Kol 1:18; 1Pe 1:3; Tur 1:5 ✧ **15:21:** Yo 11:25; Ro 5:12+

mataana. Mi talala ma sombe ni imiili ma imar, tona zin wal kini kadoono timan̄ga.✧

²⁴ Tonabe toono swoono ipet, mi ni ipambiri-izi koron̄ sanan̄an ta bibip, mi mburan̄an, mi zann̄an na, ma tila len lup. Mi ipimiili koron̄ boozomen ta ni ikamam peeze pizin na, ma tila ki Tamaana Anutu mini.

²⁵ Pa ni bela ikamam peeze ma irao ikoto ka koi bizin ta boozomen ma mburan̄an imap kat, mi kumbuunu ise n̄guren.✧

²⁶ Mi ka koi kaimer kana kat tabe ni ipambiriizi i ma ila lene i, ina meetejan̄a.✧

²⁷ Sua ki Anutu iso ta kembei: Anutu ko ikoto koron̄ ta boozomen, mi iur zin ma timap timbot la Kriisi kopo mbarmaana. Nonono, sua ti iso koron̄ ta boozomen ko timbot la Kriisi kopo mbarmaana. Tamen iti tuute: Tamaana itunu, nako imbot la Kriisi kopo mbarmaana som.✧

²⁸ Sombe Anutu ikam uraata tana ma imap, mi koron̄ ta boozomen timbot la Kriisi kopo mbarmaana lup, tona Lutuunu ko iur itunu ma imbot la Anutu kopo mbarmaana. Naso Anutu imboro koron̄ ta boozomen, mi koron̄ ta boozomen timap ma tito kat ni leleene.✧

²⁹ Lak, sombe niom kuurla kembei zin meetejan̄an tirao be timan̄ga mini som, na parei ta wal tiom pakan tikamam yok be tiuulu zin wal meetejan̄an? Sombe sua tiom tana nonono, na kakamam mbulu tana paso?

³⁰ Mi niam tomimi, sombe sua tiom tana nonono,

✧ **15:23:** 1Tes 4:15+; Tur 20:5 ✧ **15:25:** Mbo 110:1; Mt 22:44

✧ **15:26:** Tur 20:14, 21:4 ✧ **15:27:** Mbo 8:6; Mt 28:18; Ibr 2:8; 1Pe 3:22 ✧ **15:28:** 1Kor 3:23; Pil 3:21

na parei ta mazwaana ta boozomen ambadbaada sorok pataņana pa Kriſi zaana, mi amurur ituyam ila zaaba kwoono?✠

³¹ O niom tonmatiziņ tio, niom ta kakam yo ma niņ ise paso, uraata tio iur űonoono piom ma kewe Merere kiti Yesu Kriſi lene kek. Mi aņso kat sua űonoono piom ta kembei: Aigule ta boozomen, nio aņute som: Ko aņbot, som aņmeete?✠

³² Kere. Sombe aņto űgar soroksorok kizin tomtom men pa uraata ta aņkamam i, na uunu parei ta aņzem ituņ mi niamņan zin buzur saņsaņņan amporou su kar Epesus. Aņbaada sorok pataņana tana paso? Sombe zin wal meeteņan tiroo be timaņga mini som, na tonngo. Takanan ma tiwinin mi turu lende mboti ambaiņana isu toono. Pa gaaga, malama, to temetmeete.✠

³³ Wal pakan tipandelndel yom ndabok! Motoyom iņgal ituyom. Tomtom ambaiņana sa isombe igaaba zin wal sananņan, inako tikeske i ma ni tomini, mbulu kini isaana.

³⁴ Niom katalli irao. Kakam kat űgar mi kezem mbulu tiom sananņana. Koyom mianņ som? Pa nio aņso kat yom ta kembei: Tomtom tiom pakan, zin tiute Anutu risa som kat.✠

Sombe zin meeteņan timaņga mini, nako kulin pareiņan?

³⁵ Tomtom sa ko iwi yo ma iso: “Sombe Anutu ipei zin meeteņan ma timaņga mini, nako ka zaala parei? Mi so timaņga, nako kulin pareiņan?”

✠ **15:30:** Ro 8:36; 2Kor 11:26

✠ **15:31:** Ro 8:36; 2Kor 4:10+

✠ **15:32:** Nġo 19:23+; 2Kor 1:8

✠ **15:34:** Ro 13:11+; 1Kor 6:5; Ep

5:14; 1Tes 4:5

³⁶ Nu kankaananom! Sombe tapaaza koron sa, na bela koron tana isula toono ma kuliini tana ibuuzu, tona ipiyooto poponana ma ise.✧

³⁷ Mi sombe tapaaza kini wit, som koron toro sa ta kembei, na putuunu ta tapaaza na, runguunu raraate pa poponana ta ise pa kaimer i som.

³⁸ Pa Anutu ikam ma kini iweniwen mi koron putunputun tipiyotyooto namannaman ma runrun ma nonon matakiņa. Tito ni itunu leleene tau.

³⁹ Koron ta timbotmbot su toono na, rungun ndelndelņa. Iti tomtom, rungundu ta. Mi zin mbili ma buzur na, rungun toro. Mi man na, rungun toro. Mi ye ta kembena, rungun toro.

⁴⁰ Koron ta timbotmbot na, pakan ki toono, mi pakan na koron saamba kan. Koron saamba kan tipa ndel pa koron toono kan.

⁴¹ Mi zon azunka kini ipa ndel pa puulu. Mi pitik ta kembena. Azunka kizin ipa ndel pa zon ma puulu. Mi pitik ta boozomen raraate som. Pitik pakan, azunka kizin ilip.

⁴² Ina raraate men pizin wal meetenjan tabe timanga i. Sombe titwi iti ma tusula toono, na kulindi ibuuzu. Mi sombe Anutu ipei iti ma tamanga mini, inako ikam lende kulindi toro. Kulindi poponana tana ko irao isaana na som.✧

⁴³ Kulindi ta titwi sula toono, ina koron sorok. Tamen kaimer, sombe Anutu ipei iti ma tamanga mini, inako kulindi ndabokņana kat mi ka azunka biibi. Kulindi ta titwi sula toono na, mburaana biibi som. Mi so Anutu ipei iti ma tamanga mini, inako mburanda biibi.✧

✧ 15:36: Yo 12:24 ✧ 15:42: Mt 13:43 ✧ 15:43: Pil 3:20+; Kol 3:4

⁴⁴ Mi kulindi ta titwi sula toono na, koronj ki toono. Mi sombe Anutu ipei iti ma tamanja mini, inako kulindi ambai pa mbotjana tabe takam su kar saamba i.

⁴⁵ Sua ki Merere iso ta kembei: Adam, ta tomtom mataana kana na, Anutu iuri ma imanja mataana iyaryaara. Mi Adam kaimer kana * na, ni bubujana ta irao ikam ti ma tomtom matanda yaryaara.✠

⁴⁶ Tana mbotjana ta ki Bubujana i tabe takam su kar saamba, ina imuungu som. Pa mbotjana ki toono ta ipet mungu, mana mbotjana ta ki Bubujana i.

⁴⁷ Adam mataana kana na, Anutu imbuuzi pa toono. Tana ni tomtom toono kana men. Mi Adam ta iwe ru pa na, ni imar pa kar saamba.✠

⁴⁸ Wal toono kan na, zin kembei tomtom ta Anutu imbuuzi pa toono na. Mi zin wal tabe tila pa kar saamba i, nako tiwe kembei Ni ta imar pa saamba na.

⁴⁹ Ingi iti runjundu ma mbotjana kiti kembei tomtom ta ipet pa toono na. Mi kaimer, nako runjundu ma mbotjana kiti iwe kembei Ni ta imar pa saamba na.✠

⁵⁰ O niom tonmatizij tio, nio anso kat piom ta kembei: Kulindi ta ki toono ti, ina irao be ikam mbotjana ta ki kar saamba i na som. Bela itoori, to irao ikam mbotjana tana. Pa kar saamba ramaki ka koronj ta boozomen na, tianzaana som. Tana

* **15:45:** Adam kaimer kana na, Krisi tau. Mi ves 47 ipaati be Adam ta iwe ru pa na. ✠ **15:45:** Un 2:7; Yo 5:21, 6:33,39-54,63; Ro 5:15+
 ✠ **15:47:** Un 3:19; Yo 3:13,31 ✠ **15:49:** Un 5:3; Ro 8:29+; 1Yo 3:2

koronj ta izanzaana i, ina irao ikam mbotjana ta ki kar saamba i na som.✧

Meetenjana mburaana kola imap

⁵¹⁻⁵² Kelenj. Ingi be anso yom pa koronj ta munju ike, mi ingi Anutu iswe ma ipet mat kek. Iti ta boozomen ko temetmeete som. Pa sombe mbenj kaimer ipet, mi twiiri kaimer kana itanj, nako bil pa tamen mi Anutu itooro iti lup. To zin meetenjan ko timanja raama kulin munjaana ta irao isaana mini som. Mi iti ta matanda yaryaara i na, Anutu ko itooro iti tomini.✧

⁵³⁻⁵⁴ Pa kulindi ta izanzaana ma imeete i, bela itooro ma iwe koronj ndabokjana ta irao isaana mini som. Mi bela iwe koronj mata yaryaaranjana ta irao imeete mini som. Mbulu tana iso ipet, to Anutu sua kini iur nonoono. Sua ta kembei: “Anutu, ni ilip kek. Pa ipambiriizi meetenjana ma imap kat.”✧

⁵⁵ O meetenjana, mburom ingoi? Nu rao lip na som! O meetenjana, nu lem izi ingoi tabe ngal zin tomtom pa i? Som.✧

⁵⁶ Pa izi ki meetenjana na, sanaana. Mi sanaana ikamam mburaana la ki tutu.✧

⁵⁷ Tamen iti tapakur Anutu mi lelende ambai pini! Pa Merere kiti Yesu Krisi ndomoono piti, tana ni ikamam ti ma tiliplip pa zin koronj tana.✧

⁵⁸ Tana niom tonmatizinj tio ta lelenj piom ilip na, kemender mboljana. Kezem kosa sa ma itok yom pepe. Mi motoyom sinjinj pa uraata ki Merere pa

✧ **15:50:** Yo 3:5+ ✧ **15:51-52:** Mt 24:31; Pil 3:21; 1Tes 4:15+

✧ **15:53-54:** Yesa 25:8; 2Kor 5:4; Ibr 2:14+; Tur 20:14 ✧ **15:55:** Hos 13:14 ✧ **15:56:** Un 3:3; Ro 3:19,20, 4:15, 5:12+, 7:5,13 ✧ **15:57:** Ro 8:37; 2Kor 2:14; 1Yo 5:4+

mazwaana ta boozomen. Pa niom kuute: Uraata ta kakamam pini na, kakamam sorok som. Kola iur ŋonoono.✧

16

Paulus iso pa pat tabe zin Korin tiyogeege pa wal ki Krisi ta timbot ŋoobo su Yerusalem na

¹ Ayo, nio leŋ sua ri pa pat tabe koyogeege pa Krisi wal kini potomŋan ta timbot ŋoobo su Yerusalem a. Zaala ta nio aŋur pizin lupŋana ki Anutu ta timbot lele pakaana ki Galesia na, niom tomini irao koto. ✧

² Wik ta boozomen, aigule mataana kana iso ipet, na niom tataŋa bela ku'urur pat tiom pakan ta kakam pa wik tana na ila lae. Naso ipet ma iwe boozoŋana. Beso aŋma to aŋkam men. Kokena kakam ta kembei som, mi aŋma to aŋboboobo yom pa. Ina ambai som. ✧

³ Sombe aŋma, to ituyom kuur wal pakan ta kere zin kembei tirao na, be tikam pat tana ma ila pizin Yerusalem kan. Mi nio ko aŋbeede sua sotaaraŋana pakan pa wal tana be tikam mi tila raama.

⁴ Mi sombe aŋre kembei ambai be nio tomini aŋla, nako niamŋan mi amla.

Paulus isombe ila ma ire zin Korin

⁵ Ingi nio aŋso aŋla aŋre zin Masedonia kan. Tana ko aŋla aŋre zin muŋgu, tona aŋma ma aŋre yom.

⁶ Mi aŋso ko itiŋan tombotmbot ma moloŋana ri. Tana ko aŋbot tiom ma irao gorgor ki lomoŋana

✧ **15:58:** 1Kor 3:8; 2Pe 3:14; Tur 14:13 ✧ **16:1:** Ngo 24:17; Ro 15:25+; 2Kor 8:1-9:15 ✧ **16:2:** Ngo 20:7

imap, tona niom irao kere yo pa pai tio, mi kuur yo ma anla pa lele swoi tabe anla pa i.

⁷ Tana sombe Merere leleene, na nio leleñ be itiñan tombotmbot ma moloñana ri. Pa leleñ be anlou yom men mi anla pepe.

⁸ Tamen ko anbot men su kar Epesus ti munğu ma irao lupñana biibi ki Pentekos.

⁹ Pa inği Merere ikaaga kat kataama pio be ankam uraata biibi isu kar ti. Mi uraata tio iurur ñonoono. Tamen wal boozo tizorzooro yo tomini.

☆

Paulus isotaara zin pa Timoti mi Apolos

¹⁰ Sombe Timoti ima ma ipet tiom, na kere be kakami ma leleyom ambai pini. Kokena imoto. Pa ni ikamam uraata ki Merere kembei ta nio i. ☆

¹¹ Tana tomtom sa mata pasomi pepe. Mi sombe imanğa mini pa pai, na ku'uuli. Naso ila raama leleene ambai, mi imiili ma imar. Pa nio inği anzza i mi tonmatiziñ kiti pakan.

¹² Mi tonmatiziñ kiti Apolos na, nio anpombolmboli be ziñan tonmatiziñ kiti pakan tima ma tire yom. Tamen ni leleene be ima ta buri i som. Mi ko ire le mazwaana sa, to ima ire yom.

Sua pemetñana

¹³ Motoyom izze, kemender mbolñana, mi kikiskis urlañana tiom. Mi kaparaama ma tuñ mi kombotmbot. ☆

¹⁴ Mi mbulu tiom ta boozomen bela iswe kembei ku'urur leleyom pizin tomtom. ☆

☆ **16:9:** 2Kor 2:12; Kol 4:3; Tur 3:8 ☆ **16:10:** 1Kor 4:17

☆ **16:13:** Mbo 31:24; Ep 6:10; Pil 1:27; Kol 1:11; 1Tes 5:6 ☆ **16:14:** 1Kor 14:1; 1Pe 4:8

15 Niom kuute: Setepanas ziŋan wal kini, ta tiwe mataana piom Akaia koyom ma tiurla. Mi zin tizem kat zitun pa Anutu wal kini potomŋan mi timbesmbeeze pizin. ✧

16 Wal ta kembei, ziŋan wal boozomen ta tiga-bgaaba zin mi timbelmbel uraata pa Merere na, aŋso aŋpombol yom be kombot la kopon mbarman, mi keleŋ la kalŋan. ✧

17 Indeeŋe Setepanas ma Portunatus mi Akaikus timar tipet tio na, tikam yo ma tau leleŋ ambai kat. Pa tikam niom Korin ruŋguyom, mi timar ma tiuulu yo.

18 Tana zin tikam yo ma leleŋ ambai, kembei ta tikam yom tomini ma leleyom ambai. Wal ta kembei na, kapakur zin.

19 Lupŋana ki Kriŋi ta timbot pa lele pakaana ki Asia ti na, tikam aigule kizin piom. Mi Akwila ma Prisila ziŋan wal ki Kriŋi ta tiluplup zin pa suŋŋana lela ruumu kizin na, zin tomini tikam aigule piom pa Merere zaana. ✧

20 Mi zin toŋmatiziŋ ki Kriŋi ta niamŋan ambotm-bot i na, zin ta boozomen tikam aigule kizin piom tomini.

Niom ta boozomen toŋmatiziŋ ki Kriŋi. Tana leleyom ambai par piom mi kaparteege nomoyom. ✧

21 Ingi nio Paulus ituŋ ta aŋbeede sua tiŋgi. Aŋkam aigule tio piom. ✧

22 Sombe tomtom sa leleene pa Merere som, na Anutu kete malmalŋana kini ko imbotmbot se kini.

✧ **16:15:** 1Kor 1:16 ✧ **16:16:** Pil 2:29; 1Tes 5:12; 1Tim 5:17; Ibr 13:17 ✧ **16:19:** Ngo 18:2,18,26; Ro 16:3,5 ✧ **16:20:** Ro 16:16 ✧ **16:21:** Kol 4:18; 2Tes 3:17

O Merere, mar lak!

²³ Kampejana ki Merere Yesu ko ise tiom.

²⁴ Mi nio anso piom ta kembei: Itiŋan Yesu Kriŋi tulup ti ma tewe tamen kek, tana nio leleŋ piom ta boozomen.

**Anutu Sua Kini Potomaxana
Genesis, Exodus, Ruth, Psalms, Proverbs, Jonah, and
The New Testament in the Mbula Language of Papua
New Guinea
Sampela hap Buk Baibel long tokples Mbula long
Niugini**

Copyright © 1996 The Bible Society of Papua New Guinea

Language: Mbula

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2017-08-31

PDF generated using Haiola and XeLaTeX on 18 Apr 2025 from source files dated 31 Aug 2023

a815c47a-4c36-5240-a396-70cbd5e9b593